


OOTECH Oochu  
Takehniya Tinkles  
St. Mark



The Gospel According to Mark in the Beaver language of  
Canada

**OOTECH Oochu Takehniya Tinkles St. Mark**  
**The Gospel According to Mark in the Beaver language of Canada**  
**L'Évangile selon Marc dans la langue Beaver du Canada**

Public Domain

Language: Dane Zaa (Beaver)

Translation by: Rev. A. C. Garrioch

Contributor: The Church Missionary Society

Originally published in 1886 by the British and Foreign Bible Society. This book is now in the PUBLIC DOMAIN.

2015-03-17

---

PDF generated using Haiola and XeLaTeX on 20 Apr 2023 from source files dated 9 Oct 2020  
5f7d1ab3-d1e6-527f-a8da-865af2d2e293

Contents

ST. MARK . . . . . 1

## OOTECH Oochu TAKEHNIYA TINKLES ST. MARK

*Tghachyestla Ehlahti.*

<sup>1</sup> Hatseto mawotich oochu Jesus Christ, Tikeaooti ma chue; <sup>2</sup> Takeh nichatinkles akehe koonachaty kehe, Oosooasi sakewotihche nachatyeya atghuni oochu naaootle.

<sup>3</sup> Hligi otyesta tike kemweh toowe ooli, Atghuni oochu ahasoonesun, aghahati tsiwoeseh kwetooyakehe.

<sup>4</sup> John tane tukeghingklit kemweh, hatse tane tatilon tunaghakeoskliti ahtilon otl-wechi keochehlalon kehe aghametseli oneochetolel asilon. <sup>5</sup> Kahchu yinkhadeshalon tike okehe otsi Judaea, kahchu aghatane yateh otsi Jerusalem, kuihe sahke Jordan aghanetye tukukeghinklilon, koometselihi kooatuoochatih. <sup>6</sup> John ghatai manatsunne ghigheze gha eghayulon natun atyetlalon atazi syeh kahchu atazi syeh ihe nanihklulon: oochu yakesi yu achalinoo yu ayilai yetsetlon; <sup>7</sup> Oochu toowe ooli yehtilon, yetsi ootelon, Hligi sooniya sataihchi anati, nakyekule aghoo atu enasoo machi chunoostyeli mamakeoosut. <sup>8</sup> Suni la tu ihe naghakyeihklit: ahwole atai tu ihe naghakyeihlili Atsinde Oochu ihe.

<sup>9</sup> Oochu gheise wazeluh ayi dzine, Jesus otsidesha Ion Nazareth Galilee otsi, John tuyakeghinklilon Jesus Jordan otsi. <sup>10</sup> Kwete tu tsi tghatyeza tsiwohzon, wailon yake kwa matahatsataghiolon, yakeotine yetsi natezalon oietli etye: <sup>11</sup> Oochu otech yake otsi atitsuklon, toowela ooli oti ihe, Nila otaihchi nwasti Sachue.

<sup>12</sup> Kwete atsinde achu tike tsi yatehalon kemwehchi. <sup>13</sup> Koochi kemwehchi atu tane nuklechi tioketi dzineke kooali, yakaotehun Metseli aghaghatai; kahchu ghatai metseli ihkyateslon; kahchu oochu woei oochu yetsinatilon.

<sup>14</sup> Kootoo John kwechaghinhtyilon tane kwechaghinhtyinti, Jesus yuhchidesha Galilee, koohootyeh otech oochu Nagha Tgha makaonadzutti otsi, <sup>15</sup> Kahchu toowela ooli, Tyeneti Nagha Tgha kyeyi: naghamselihi kyechahli, oochu otech oochu aha kootahti.

<sup>16</sup> Ihtyizon tu chok Galilee tghamweh klontyeha, yailon Simon yu Andrew yu mekye yu tyemil tavesklu tu chok: atai tane taesklu tane eli. <sup>17</sup> Oochu Jesus toowela ooli yehti, Sakyetahtyel, kooh hanahooslihi oochu hluge kehchi enahooslihi tane niyutooleli chon otsi. <sup>18</sup> Kwete taghatyemile echaghanelon kikyehyeshalon.

<sup>19</sup> Oochu oontsutli tontyo tyeha, yaih James Zebedee machue, kahchu John mekye, atilon tachin ela ehkye atyi tyemil keyatinklulon. <sup>20</sup> Kwete tyechi yehtilon: kwa taghata echughanelilon tachin ela ehkye atyi Zebedee oochu keotihche yu, oochu kikyetyesklit.

<sup>21</sup> Oochu kochi ghatyestyetl Capernaum; kahchu kwete taneghaotatyech kwa kwiya monejitti dzineneh tane chehoyeh. <sup>22</sup> Oneghanintyelon yaotihche: kooatinti yaotati-heh otech oochu tatihi natsuti kehchi ayihoo mawoohuli, atu adeskles tane kehchi. <sup>23</sup> Oochu iehti kweh atih hligi teze ta kwa taneghaotatyech yaghati metseli ayi; kahchu ootyestalon, <sup>24</sup> Toowe ooli, Atu aghaitaniah; atu ooli nagha assitli iyo aoohti, nuni Jesus Nazareth otsi? Yuhchitiyala aghayaonila? Atanasti nelesi Nagha Tgha Maatsinde Oochu ooih.

<sup>25</sup> Jesus toowela ooli yehti, yachioote, Atu oonatih yehti, setseghatiyah yetsun tsi. <sup>26</sup> Kootoo aghaghatai tsunale too yayaghinchil, oohtye ootyestalo, yetsi hadesha. <sup>27</sup> Aghanetye ooghatesta, aghanetye chu koohtaghoati, tiyeohtye, yetike aloontye? ye tane tsi oochatihi koonte? Aha kootesti otech oochu gha saghatai mayis atu natset. <sup>28</sup> Koohchu oonthe atyeh meghoyuh yito kwa Galilee.

<sup>29</sup> Ayite otsi, ghaghatestyetlon taneghaotatyechi kwa otsi, kweghaghintyetyl Simon yu Andrew yu kwa, James chu John chu. <sup>30</sup> Simon tsiyue ma tyelasaty teskoone ayila, oochu koohooati. <sup>31</sup> Yehchidesha yila inchut, kahchu tahyatinti; kwete ayi teskoone ayila yecheli, ayi oota yakeotihch.

<sup>32</sup> Hatse kahkachi, naghioo, kiya nanila yatitine, yaghi chu mazichi yaghatati metselihi. <sup>33</sup> Kahchu atghe ehlahtiti tane natihiti tyechiklaghatati tusklahti. <sup>34</sup> Kahchu atghazi tatihikooyilalon ayeeah natlone yehtanintyelon, kooyaghatai metselihi natlon oonteslalon; kahchu atu ketselihooh wahti iyao-ohti, achi atayatilon ayiwooh ayehti.

<sup>35</sup> Kahchu hatlindo, setsetho tsitike satalon, hadesha, kahchu koondeshalon aghasuchalechi, kahchu iehti yachutatyeheh. <sup>36</sup> Kahchu Simon yehkyatehchi kikyehestyetyl-lon. <sup>37</sup> Kikihtitsi, toowela ooli kiyehtilon, Atghe tane ninkhaghanatgha.

<sup>38</sup> Towehchu yehti, Tane natehsti otsidooshai kooche ooohostih oochu, kootatooshigha lasasta aontye. <sup>39</sup> Kahchu tane tsiwoghintalon taneghaotatyech kwa kwe Galilee, kahchu atsinde metseli ghayatehalon.

<sup>40</sup> Kahchu machitatestyel tane tsusachi yaghoone yatsi nioununisi, kahchu machi nachustachaklih, kahchu toowela ooli yehtilon Kooh koodinti ate oochu asaghoonlehassi.

<sup>41</sup> Kahchu Jesus, atyestastihoo madzye tatilon nati gha tiesunni ihe, yetsi tahtatitichlon, kahchu yakatehtich lon, kahchu toowela ooli yehtilon, Kooh koosti; kwakoola oochu anatyeh. <sup>42</sup> Tsiwohzon otatyech otye, susuchi yetselilon, kahchu oochu oohtyelon.

<sup>43</sup> Kahchu yatatilon tsiwohzon itintiah, kahchu oochu tyehalon; <sup>44</sup> Kahchu toowela ooli yehtilon, Atu kahchu ooli ataooti niwotine: kahchu achutiya, nazi yueh taneghaotatyech metihi, kahchu kxaniah naoochu oohtyi ihe yaghi Moses za kyehchi, ata kiyutihi. <sup>45</sup> Kahchu hadesha, oohtye awonetye khootawootyelon, kahchu tike okehe khootawotyelon, kwa hlilon Jesus atu tanetghakweya tyetachatlihi kwa iyu meheaootye, ahwole kemwehchi tike alilon, kahchu kiyinkhatestyetillon ewonetyetsi otsi.

## 2

### *Tghachyestla Onketi.*

<sup>1</sup> Kahchu kwiyalon Capernaum tahke dzine oolitatich wazilate; kahchu kooachatilon ayiti nito kwa oota ko-ochati ihe mewoyu. <sup>2</sup> Kwete natlone tyechi ghlaghatilon, kwa hlilon taghadesmanlon atulitah oookuzze ooli ghintlon kye, kwa hlilon tusla aghoo ooghata taghadesman ghintlon kye; kahchu sa yatatilon. <sup>3</sup> Kahchu kiyinkhatestyel yatilonooch yatitih ihe, tyentane kooyahtyel. <sup>4</sup> Kahchu atu ugha otsighatatyel iyua aoon-tye ootaneghutl kye, nighatilalon anetiyyi ootaneghutl kye alinti; kootoo ghaghatagheoo yatilone, kitaghintsut takeustyi tyela satyechti. <sup>5</sup> Kootoo Jesus wai aha oochati, toowela ooli yehtilon ayi yatilone, Sechue, nametselihi naoonchatuleli.

<sup>6</sup> Ahwole tahkine ayiti tyechi adesklesne, kahchu koodzye otsi indighateshalon, <sup>7</sup> Yeogha ti teze atu oochu ateotyey? mea metsehhi ka oontoolelassi kootahtye Nagha Tgha zon?

<sup>8</sup> Kwete Jesus ataotio yaghatei intidesakehe, toowela ooli yehtilon, Yehoo oohtye naghadye ihe intidaa aoon-tye? <sup>9</sup> Tyeyi meotena achatooti kehe yatilone, Nametselihi naoonchatool; koolehe, Tsitike sinta, nustyi neodiah? <sup>10</sup> Atawahtih iyu aoon-tye hligi teze Machue natsutti ayehi chode tike kakametselihi naghaoontooleli, (toowela ooli yehtilon yatilone,) <sup>11</sup> Toowela nesiih, Niiya, nustyie nioodiah, nakwa otsidiya. <sup>12</sup> Kwa kwete niiya, ustyie nioodioo, kahchu hadesha aitye yai; kwa hlilon atghe yaooli, kiyaooli Nagha Tgha, toowela ghatyeh, Atu haoontyedi oohtwetyi tahooli.

<sup>13</sup> Kahchu tu chok meootyesha; atghe aghanetye machichatyeha, kwa yaotatich. <sup>14</sup> Intyizon ghayalu, yailon Levi Alphaeus ma chue sata sooniya mechetilichti, toowela ooli yehtilon, Sakyetiya. Kahchu niiya yekehtesha.

<sup>15</sup> Hesai wazeluh Jesus yakwa kwesata atsitsoo, natlone tanechowhoine chu metseline chu Jesus yakahtetsi yaotatichne chu: oohchu ghintlone, kooketestyel chu. <sup>16</sup> Kootoo hatseto adesklesne chu Phariseene chu kiyachi inka aghatsitsoo tanechowhoine chu metseline chu, toowela ooli yehtilon yaotatichne, Yehoo yakaatsits aoon-tye yakah chu tuaton tane chowhoine chu metseline chu?

<sup>17</sup> Kootoo Jesus ootitsahoo, toowela ooli yehti, Yaghine oochu oontyene atu kiyinkhasootati yutane, yatitihizon: atu yuhchideya tyechi kooyusine tyeswe yaghitane, ahwole ayi atu tyeswe yaghitane chodeh kyetsahanohoolhe koometselihi ooghatihuali.

<sup>18</sup> Kahchu yaotatichne John chu Phariseene chu ooneaghatatihya toonkye: kahchu yuhchihatestyel toowela ooli, yehoocha yaotatichne John chu Phariseene chu ooneateh-ya aoon-tye, ahwole nuni maghotintichne atu ooneatehaya?

<sup>19</sup> Kahchu Jesus toowela ooli yehti, Maskyega la kwa nichiyehi kooyehkyatechi ooneatulela la? kooyehkyatechton atu ooneatehaya iyu aoon-tye. <sup>20</sup> Ahwole kwa kwete khoonahwozetasi, kootoo mka tuchainklitne kwiya kwa oochayihate, kahchu ayi dzine ooneatatyellassi.

<sup>21</sup> Atu chu ooli koonde ale ooli tsatse ihe kyechatoohtatassi, yaikoole koonde ihe kechaghinghati kwa hlilon hleooyu awotiassi. <sup>22</sup> Kahchu atuline tata ahklitassi chiche tu koonde satsoone tontyeto otsi: atu chu chiche tu ooli tsatse tataoohklit ootookyehasi, kahchu natesklitichiche tu, kahchu mataoosayih ootookyehasi: ahwole chiche tu koonde ooli ta koonde chuhklitassi.

<sup>23</sup> Kahchu otles tghah niya achuniyehti Menejitti Dzine; kahchu yaotichne makye ghatehlu atghe inchaghakinesla otles. <sup>24</sup> Kahchu Phariseene toowehchu vehti, Nye, yehoo kooghaghathi aoon-tye Menejitti Dzine atu tu dzine kooh ghatsati iyu aoon-tye?

<sup>25</sup> Kahchu toowela ooli yehti, Atu makyeh ootahtyech tah oolila David aontli kootoo intaklinto kahchu tapatoo, atane chu ayi vehkyatiche chu? <sup>26</sup> Kwiye sikooh Nagha Tgha

kwa, intyizon Abiathar taneghaotatyechi metihi chok acha, kahchu kiyatatslon otles oochu atuline yetsitslon gha yai zon taneghaotatyech, kahchu yayigholon ayi yehkyatiche.

<sup>27</sup> Kahchu toowela ooli yehti, Menejitti Dzine achilalon tane gha, kahchu atu chu tane Menejitti Dzine gha: <sup>28</sup> Ayigho teze Chue ghakaoodzut Menejitti Dzine.

### 3

#### *Tghachyestla Taiti.*

<sup>1</sup> Kahchu tyetachatlihi kwa kwiya: ayiti teze natyelon mila taneskyelon. <sup>2</sup> Kahchu kiyunailon, ooka ooli asityeh kha Menejitti Dzine nai; kitalih iyu aontye. <sup>3</sup> Kahchu toowela ooli yehti ayi teze mila taneskye, Hatelon atichi nazutooh.

<sup>4</sup> Tooweh chu yehti, Oochu la oochu keochouahch Menejitti Dzine, ketseliooh keochouahch? tane ghaghatai gha kasoochatooti gha koole? Ahwole atu ooghati. <sup>5</sup> Kahchu anetye klokangatghalon madzyehatsutooh, kyeocheklah ihe kha ati makechichticha. <sup>6</sup> Kahchu Phariseene achughatestyelon, kwete hla nighohanintalon yai chu Herodianuk, tihakehe soo ookitoohletu.

<sup>7</sup> Ahwole Jesus achutyeyzha yaghotine chu tu chok tsi: Kahchu tane natlone Galilee otsi yu Judaea otsi yu yekehtestyetl. <sup>8</sup> Kahchu Jerusalem otsi, kahchu Idumaea otsi, kahchu o-one otehchi otsi Jordan, kahchu aghatane ahthaze Tyre yu Sidon yu, ghintlon ke, ooghatitsuk chi ayi oochu keoahchi, kiyinkhadesha. <sup>9</sup> Kahchu yaotatiche natilon, ela ckok natsutli ootagha iiti wothoogha kooghohtyi tane natlon ke kha ati makechichticha. <sup>10</sup> Atane natlone yaghihti ihe; kwa hlilon yinkghanotyetsuts yakatutihikha, anetye ayi tatihi akooyahine. <sup>11</sup> Tane yaghatai mindicheli kahchu kiyainchi ate, kyechinachustaklih, kahchu ghatyetzul toowe la ooli kiyehiti ihe. Nuni Nagha Tgha Chue nelaoontye. <sup>12</sup> Kooh oochu atu soochiwoti atu atachutihikha.

<sup>13</sup> Kahchu khis ehkyeghiyalon, kahchu ayizon ayuti tyechi yehti: yachidesha. <sup>14</sup> Kahchu keneti onketi matgha kliniyani, yekyeootichigha, kahchu achutehalon udzih oohootigha. <sup>15</sup> Kahchu ayulhi gha natsutti, kahchu atsinde metselihi hayatuhi gha: <sup>16</sup> Kahchu Simon yindizi yakechioosun Peterlon; <sup>17</sup> Kahchu James Zebedee machue, kahchu John, James mekye; kahchu nindizi yakechioosun Boanerges, ayi nahthunni uskyeye chatyeh: <sup>18</sup> Kahchu Andrew, kahchu Philip, kahchu Bartholomew, kahchu Matthew, kahchu Thomas, kahchu James Alphaeus machue, kahchu Thaddaeus, kahchu Simon ayi Canaanite, <sup>19</sup> Kahchu Judas Iscariot, mazi atahootalon: kahchu nito kwa kwighaghintyeli.

<sup>20</sup> Kahchu natlone natsughanestlalon, ehtye kwa hlilon atu otles ahtsitslon natlonke. <sup>21</sup> Kootoo meootinoo ootitsukoo, achughatestyetl kiyuhchutigha: aghatune kooghatyeh, Tinditaodesooissi.

<sup>22</sup> Kahchu adeskesne yuhchighatestyetl Jerusalem otsi ghati, Ayehi Beelzebub, kahchu yaghatai metselihi iiti otsi hayateha. <sup>23</sup> Kahchu koohchu yinkhawoti, kahchu too we yehti, tyecha otsi aghaghatai metselihi hatsatoohtyel oontye ayi aghaghatai metselihi? <sup>24</sup> Kahchu hlahiti tane natehti intsake yawoinklit ate, ayiti tike ii oowotoehassi. <sup>25</sup> Kahchu ayi nito kwa yaoooghinkliti ate, ayi nito kwa oowotoehassi. <sup>26</sup> Kahchu aghaghatai metselihi ataniiya ate, kahchu tezi yanile ate, atu oowotoehassi. <sup>27</sup> Atuline kweyali iyua aontye teze natsutti kwa, yenatunne yatatulelu, hatse tahyaghesklu teze natsutti; atezon ya kwa yaghonile iyu aontye. <sup>28</sup> Kwa hli anaghaisilon, Atghe metselihi kooya oochatooelassi tane uskye, kahchu soocha oochatihi: <sup>29</sup> Ahwole ayi ketselioo atii Menejitti Oochu atu ihlaotatoo ayehi kha, ahwole seghaai ayehi niioonizutti oonchatalihi: <sup>30</sup> Ayighoo ayehi, Ayehi aghaghatai metselihi.

<sup>31</sup> Kahchu mekye chu ma chu iiti otsighatestyetl, kahchu tsehti nazutooh, kilati, kiyinkhaooti. <sup>32</sup> Kahchu tane natlone yaka tghanatihti, tooweh chu kiyehiti, Nea, noo chu nehtghizinne chu tsehti naghatehya ninkhaghanata. <sup>33</sup> Kahchu ateyatetla, toowehchu yehti, Mea anne eli, setghezinne koole? <sup>34</sup> Kahchu khlonkanatgha ayi yaka khlontyetsi, kahchu toowela yehti, Ahi anne chu sehtghezoon chu! <sup>35</sup> Atunne zon kooh ghawoteassi ayi Nagha Tgha indi, ayi akye chu, ustye chu, unne chu.

### 4

#### *Tghachyestla tinti.*

<sup>1</sup> Kahchu tyigha tane ootatech tu chok tghamweh: kahchu natlone yinkhadesha, kahchu tachin ela ehkyiya, kahchu tu chok tih ali; kahchu atghe tane natlone tike wohzon. <sup>2</sup> Kahchu yachioteh ooli natlon yughotyeh, kahchu toowe ehti otsiootihi, <sup>3</sup> Oochu atahtsuk; Oochu hadesha otles alihi tane anihiyihi niyililihi gha: <sup>4</sup> Kahchu intyizon achunihyehti,

tahkine yainkhyi tinkuzze, kahchu chua etye yaghatehtyetllon. <sup>5</sup> Kahchu tahke nooghinklit tseyetgha, atu oonchadi tike oolite; kahchu kwete ghanaghiyu, atu tike tatghoe; <sup>6</sup> Ahwole chelon sa niniya, maziche ninihklitlon; aha oona maghaye toontooeysi, ayi ihe taihtsutii. <sup>7</sup> Kahchu tahke nooghinklit ghoos chine chok tgha, kahchu ghoos chine chok ghanaghiyu, kahchu klightaninyetUon, kahchu atuli machiche oolilon. <sup>8</sup> Kahchu achu nooghinklitlon tike oochu ti, kahchu machiche ooghilyelon ghanaghiyu yu kahchu tainyeyzho; kahchu yahlonihyu tahke taoketyi tahke chu edzetaiti ketyi, tahke chu keoneti ketyi.

<sup>9</sup> Koohchu yehti, Yaghi matsaghe ooli, inkai ootootsuke yehti.

<sup>10</sup> Kootoo chlatyo ayi yehkatyelichi yaghi chu keneti onketi matgha tawotya yehti kawotzutne gha. <sup>11</sup> Kalichu toewela ooli yehti, Naghunni aghaoochuneoh aontye atawohtihiglia tyewotye hai koosti Nagha Tgha kyeyi: ahwole ayine tsehti natihne, atghe ooli keowaahch yehe achatih: <sup>12</sup> Wai oochui, kahchu atu hlyenahotihii gha; kahchu ooghatitsukoo ooghatotsukassi lon, kahchu atu klaghatotsukassilon; koohchu oolita ghooghanyetela, koometselihi kooya oone oochatulel akhe.

<sup>13</sup> Kahchu toowela ooli yehti, Tiyeghakehe atawahtiha ooli kehe yaghaghahtai kehe? koohchu yeghateh atawahtiha atghe otech? <sup>14</sup> Oonehyene oonehyoh sa. <sup>15</sup> Kahchu aghatane tinkuzze tatihne sa chuniheyehti; ahwole kootoo ooghatitsukassi kooh ghaghatai metseli kwoto otsidesha, kahchu yazake yuhniiyatiooh yadzye ta otsi. <sup>16</sup> Kahchu aghatane chunihe ine tsye tgha; kootoo sa ooghatitsuk, kwete neoootiooh soochanetye; <sup>17</sup> Kahchu atu ghai ighutaklilon aghatane hahte, kwa tiotsi zon ghaghatalon, ootlwe kootoo sookhaootaya kootoo hlachatatane niwoya sa tachi kwete chahte intighatesah. <sup>18</sup> Kahchu aghatane ayi yachuniheye ghoos chok chine tgha; ayi sa ooghatitsuh, <sup>19</sup> Kooh tidi tike indi, kahchu mihe atsunnetahe yu mihe tatintlon yu, kahchu machachintye achu ooli kwenachaghila otcho ooli sa, kahchu atu machiche ooli. <sup>20</sup> Kahchu ayi mehoochuniheye tike oochute; ayi ootitsukne sa, kahchu nioootioone, kahchu machiche ooli, tahke taoketyi enetyi, tahke chu edzetaitiketyi, tahke chu keonetiketyi.

<sup>21</sup> Kahchu toowela yehti, Nachila takooche nichualli ghotwetghulle yue take ustyii koole? koohchu atu nichioote takoochechine? <sup>22</sup> Agha atuli nachunehi atu mewotuti; kahchu atuli tanetcha maghuchata iyu aontye, ahwole atachuteassi. <sup>23</sup> Koole matsaghe oolyetane inkai ootootsukassi.

<sup>24</sup> Kahchu toowela ooli yehti, Tyeke ayi ootahtsukki: ayi ihe tikeghaklyeli, ayieh nagha tsi tiketsalelassi: kahchu naghai ootaghahtsukki, ootehchi nahachuallassi. <sup>25</sup> Yaghi ayehi, machuallassi: kahchu yaghi atu ayehi, mehwayachutallassi koole ayi ayehi.

<sup>26</sup> Kahchu toowela ooli yehti, Koochia ootype oontye Nagha Tgha kyeyi, hletye teze oochunehyehti oodihyitl keontye; <sup>27</sup> Kahchu satyi, kahchu niya hatleke chu dzine chu, kahchu achunehyehti ghanaghihu, atu ataoti noontye sikooh. <sup>28</sup> Ghoo yaghi tike atai hahte otsi ghanaghihu; hatse kloke eli, kahchu hachaghinaghiyu, kahchu otlweh ootles. <sup>29</sup> Kahchu yaghi chiche ghanaghihuta, kwete atataz, khoo chotazze dzine eli.

<sup>30</sup> Towehchu yehtilon, Tyechi otsi gha Nagha Tgha kehchi niwuwotal aontye manatake? koole hletyi indi nighaootal aontye? <sup>31</sup> Hleoontye oochuniliyehti ehlatye yutanikluchi machiche, kwa nichalesta oonahyehe tike, eyi zon natsutli anetye oochu ihyehe tike tih: <sup>32</sup> Kwa aochelesta, oochu nichulesta ayi zon otechchi yaincha anetye nichulihchassi, kahchu matatse natlon; kahchu ayiti chuk yayue sacha iye tehtsi.

<sup>33</sup> Kahchu ayi etye akyehchi oochatihi ihe ehyatation, ghanawesittih oohasohtsoo gha. <sup>34</sup> Ahwole atu ya-i-ti-tyes ate atu yachiwotyehtlon: kahchu sahta aghatinta, yaotatiche atghe yatation.

<sup>35</sup> Kahchu ayi dzinee, kahkachi aocha, toowehchu yehti, Onka nataghokye taityechi. <sup>36</sup> Kahchu yite kitehalon tane natlone, nighatila aontye sikooh. Kahchu kooyeh testyetlon tachin ela ihe. <sup>37</sup> Kahchu intsi chok niya, kahchu tuyune nachalon tachin ela kooyeghe tiketlalon, kwa hlilon tadesmanooh. <sup>38</sup> Ahwole atai haiseuhi, satyi tsiatakyeh: kahchu tsikiyaniha, toowehchu kiyehi Metihi, atu aghaititawoala tghataozitassi?

<sup>39</sup> Kahchu niya, kahchu intsi tsiwoti, toowehchu yehti tu chok, Tyeke tahtsi. Kahchu intsi atyehzut, kahchu ohtye tyeshguthl.

<sup>40</sup> Kahchu toowela ooli yehti, Yehoogha onenatyetl aontye? yehoogha atu a kootahti aontye? <sup>41</sup> Kahchu ohtye onghanintyetyl, kahchu toowela klaghatati, Ye teze alontye koole intsi ateate chu tu chok yuzehtso?

<sup>1</sup> KAHCHU nighatiooh taityechi chisinchi tu chok, kootike tsi Gadarene matike. <sup>2</sup> Kwa kootoo tasaya ela ehkye otsi, kwete yatitityesha ehlatye teze natine kwa otsi ayehi yaghatatitu mayis natsutooh, <sup>3</sup> Makwa ooli natine tgha; kahchu atuline yatahnatsut iyu aontye ihe ayii ihe atu tah taghatsakluh iyu aontye, atu satsoone klule aghoo ihe taghachakluhassi: <sup>4</sup> Tewotye oontlon tahtsughesku mihe klule ihe kahchu satsoone klule ihe, kahchu satsoone klule yatayaghechil, kahchu makye chine klule oochu yatayaghechil: kahchu atuline oochu ayilih iyuntyeh. <sup>5</sup> Kahchu inkaa hatleketahwoyu dzinetahwoyu, ali khis tah, natine tgha woyu, otyesta, kahchu atakhai tatazo tsye ihe.

<sup>6</sup> Ahwole tontye tsi ghotsi Jesus ya-i, otsitehla yatsi nachustaklyeh, <sup>7</sup> Kahchu ohtye otyesta, kahchu toowela ooli yehti, Tyeka kehe na-kye-o-os-tyi-cha, Jesus, nuni otehchi ooli yatehchi Nagha Tgha chue neli? Natsinioonunisit Nagha Tgha tsi, atu nidisawositi. <sup>8</sup> Atai toowela yehtie, Sachighatiya teze zi tsi, nuni atu neyis natsutti aghaghintai.

<sup>9</sup> Kahchu tawotya yehti nindizi tyeoolya yehtilon? Kahchu toowela yehti, Legion, oohzi: nitlon ihe. <sup>10</sup> Kahchu yatsinioonunisit atu achu tsutoohigha ayiti tike otsi.

<sup>11</sup> Kahchu ieti alii hwaza khis tah koohkoos natlon eghihta. <sup>12</sup> Kahchu atghe aghaghatai metselihi yatsinioonunisit, toowehchu yehti, ghotsiaghatiha koohkoos natyehti, koohkoos zi toontyelikha. <sup>13</sup> Kahchu kwete Jesus ghatyeh yasehla. Kahchu naghaghatai atu mayis natsutti ghaghatestyel, kahchu koohkoos zi tintyelt: kahchu koohkoos ohtye kyehodihsut ichulti tu chok tghamweh, (oolitah onkye keoneti keoneti); kootoo chu etye tukooghiwolon.

<sup>14</sup> Yaghaine koohkoos zaalline taghatestyel kooghohwati nito kwa atyih kahchu ayiti tike. Kahchu otsighatestyel ayi ye keochaahch aontye. <sup>15</sup> Kahchu Jesus kiyunintyelt, kahchu kiya-i ayi tane atsinde metselihi ayehi, kahchu kootoo ayeheii ligiona, sata, kahchu natunne tasata, kahchu tyeswe indi ahi: kooh onighanintyelt. <sup>16</sup> Kahchu yaghine oohwa-i ine kitati oontye sikooch ayi tane atsinde metselihi ayehi, kahchu koohkoos ihe. <sup>17</sup> Kahchu tyikichi niooghaghananintyelt achutooyigha kootike otsi.

<sup>18</sup> Kootoo tachin ela ehkyiyya, yaghi ayeheii tane atsinde metselihi yachinioonunisit yehtootyeli gha. <sup>19</sup> Atu ghate yasehla Jesus, ahwole toowela ooli yehti, Ootinta niootinooh khadiya, oochu kootintii ooli Ghakaoozutti nakeoahchi, kahchu noohchuya. <sup>20</sup> Kahchu achutyeshah, kahchu khootaootyeh Decapolis yechatgheze Jesus oochu nanakeochaahch: koohchu aitye tane khaooahali.

<sup>21</sup> Kootoo Jesus natyeeski tachin ela ihe taityechi, natlone tane yachitestyelt: kahchu hwa tuchok alii. <sup>22</sup> Nea koohzon ehlaiti yinkhatyeshah kakaoozutti tyetachatihi kwa, Jairus ooyi; kootoo ya-ichi, nakye kuchi naitsut, <sup>23</sup> Kahchu ohtye koonoo yachinioonunisit, toowehchu yehti, Setue tyele satyi koola tehtsutooh: nachinioonunisit, samakataootihi, naghaootai gha; koohzon hanalaite ootesi. <sup>24</sup> Kahchu Jesus yehkatic, kahchu natlone tane yakehtestyelt, kahchu kikyeeoohsut.

<sup>25</sup> Kahchu ehlaiti tsege, yaghi keneti onketi matgha yaskehe matulle natatyehizon, <sup>26</sup> Kahchu natlone ooli yakeoohchi natlon yutane, kahchu yaghatestla ayi oontyei, atuli akehe naghiteyo oontye, atatihe tati, <sup>27</sup> Kootoo Jesus otsi ootitsukoo nooja otsi keistla otsi yatsityesha ootaneghutl ihe, kahchu yakestue katehtich. <sup>28</sup> Atune toowela ehlie, Manatunne zon aghoo katyestich ate, oochu awostyeassi. <sup>29</sup> Kahchu kwete otsi tul natatyehiti sakoon; kahchu atyetastyiht mazi tsi nachagihta avi tatihiti tsi.

<sup>30</sup> Kahchu Jesus kwete ataotihoo mehnatsutsutti mazi tsi hatsatooh, natunesha tanetich, kahchu ehti, Mea ali senatunne katehtichlon?

<sup>31</sup> Kahchu yaotatichne toowela yehti, Natlone tane ghii tanighatlu, kooh tinti, Mea sekahtitich?

<sup>32</sup> Kahchu klokangatgha yui gha ayi ooli keoachine. <sup>33</sup> Kahchu tsege ooniya kahchu ghati ihe, ataotioo ooli maachahi matsun tsihi, yuhchi yachi yuenenitooh, kahchu yatati aitye hlonchati. <sup>34</sup> Kahchu toowela ooli yehti, Ghutue aha koodinti nanaghinta-iih; taichi tyege inditiah, kechutintih natatihe ihe.

<sup>35</sup> Intyizon kwaka ootatyichoo, yachidesha ma kwa otsi yaghi yakaoozutti tyetachatihi kwa tahkine atine, Netue tehtsut: Yehoo gha mehchintahcha otehchi Metihi?

<sup>36</sup> Kwete Jesus sa ootitsukoo, toowela yehti ayi kakaoozutti tane tyetachatihi kwa, Atu ooniyooya, aha koodinti zon.

<sup>37</sup> Kahchu atuline hateh gha sehla oolino yekehtooyi, Peter zon, kahchu James, John chu mekye James. <sup>38</sup> Kahchu khooniyalon kakaoozutti kwa, kahchu wa-i oontlon tsi oochataahoo, yaghi chu atsukki kahchu ohtye atsukki. <sup>39</sup> Kootoo kwiya toowela ooli yehti, Yehoo gha oontlonchi ootahah aontye, kahchu ahtsu-ko-oyu? ataze atu tehtsut, ahwole satyih.

<sup>40</sup> Hatyeh oontlonchi kiyuhaghatakluch. Ahwole ehtyazon aitye hayateha, otsighadesha yatgha chu you chu ata, kahchu ayi yehkyatechii, koohchu kwinaghacha ata tyelasatyinti.

<sup>41</sup> Yila inchutlon ata, kahchu toowela yehtilon, Talitha cumi; ayi chati, Ata, niya, nesii.



<sup>42</sup> Kahchu kwete ata niya, kahchu ghayahl; atai keneti onketi matgha mayaskehe. Ohtye o-ochi khaoghhalion aghawochule kehe. <sup>43</sup> Ohtye atuline tataoonti; kahchu atya kehe oolita ooli machuhchut.

## 6

### *Tghachyestla edzetaiti.*

<sup>1</sup> KAHCHU ieti otsi achudessa, kahchu yuhchidessa ghochari matike; yaotatichine chu yekehdesha. <sup>2</sup> Kahchu Menejitti Dzine khonionizutooh tye tyetachatlili kwa taneghaotatyech natlone kootitsakooh khawoalli, ghatih Tyecha otsi niyatilontye? Kahchu ye o-ochi mehoochayu tidi machioo, koole yaghi oochu ekyeotatichi ayilai tila ihe? <sup>3</sup> Atu ayila tachin atali, Mary chue mekye James, Joses chu, Juda dm, Simon chu? kahchu mehtghezze chode mekyechatich? Kalichu atu oochu yatsiintighadesa.

<sup>4</sup> Kahchu Jesus toowela yehti, Tane chi otine tune atu mooh oontue iyu aoontye mehe meachatachai, atunezon tatike hwa yule iyu aoontye, kahchu atai hahte menachine, kahchu atai hahte ghocharih makwa. <sup>5</sup> Kahchu ayiti atu kooye keoachlon mehmawochuli kewotiche, tahkine ghatyeh katehtichlon yatitine, kahchu nayaghihtalon. <sup>6</sup> Kahchu kawolilon atu aha yutieh. Ahwole atghe tane tanenatih akehe klodeshalon, taneghaotatyech.

<sup>7</sup> Kahchu keneti onketi matgha tyechi yehti, eonetye tsi yeteha onkyetatyech; kahchu yehnatutti yayila yatanatsutti naghaghatai metselihi;

<sup>8</sup> Kahchu aychti atuli yatoolai kyatehchu, tghes zon; atu etsunzis, atu chu otles tyes ali, atu chu sooniya kooghele tasulla: <sup>9</sup> Hoontyegho kyetilhi ahoon zon tatyech; kahchu atu onketi kestue taooya. <sup>10</sup> Kahchu toowela yehti, oolitah nito kwa kwighaachatah, ayiti ahli achutahaz ti otsi. <sup>11</sup> Kahchu atu ninaghatile ati, naghatsukki ata chu, aisai iiti otsi achutaach ate, naghakye waghat otles ihe kooyeh ooghachtichi. Kwa hli anaghaisi, Otehchi aghatane Sodom yu Gomorrha yu oochu awohtyesi ohtye tane tsiochatih dzine intyizon ayi tike.

<sup>12</sup> Kahchu achughatestyel, kahchu tane taghatih ketselihi ooghachatutii gha, <sup>13</sup> Kahchu natlon metselihi ghaghataha, kahchu kles ihe yakiyehkluk yatitine, kahchu nayaghinta;

<sup>14</sup> Kahchu metihi tyiyi Herod otitsuk mewoyu; (atgheze tike okehe midizi khoochatih;) kahchu toowe ehti, John matukeghinkliti atai tustye otsi niya, kahchu ayiwo mehe ohtye keochatichi eotatya aoontye.

<sup>15</sup> Achune ghati, Elias atai, kahchu achune ghati atane tai atahwotine, ehlatine eontye atane tai atahwotine.

<sup>16</sup> Ootitsukchi Herod, toowe ehti, John ayi matsi hlihyitl ii: tsitike nesta tustyi otsi.

<sup>17</sup> Atai Herod ghochari ochiyateha, John chu niyatinti, kahchu tane kwechayihiti tayaghesku Herodias ihe, mekye Philip tsiyue ihe: atai inkah hlakootsila. <sup>18</sup> Atai John ayehtii Herod, Atu wotezi nai awohi nekye tsiyue. <sup>19</sup> Ayeoo Herodias tike ochehtune yesoohail akhai; ahwole atu hawootti iyu maaontye: <sup>20</sup> Atai Herod John enejitieh, atayetioo tyeswe ghata, kahchu maghata oochu tane elieh teze, kahchu yama intityesha; kahchu yatitsukchi oontlon kehe keoachlon, kahchu kyenawolesilon ayiteh otitsuk ate.

<sup>21</sup> Kootoo sookah nitsutooh dzinee khonionizutooh Herod niyi dzinee khonionizutooh hatleke eghohtai gha oola tametih gha, simakunnis metihi tyiyi chu, kahchu haladi kha kakaoozuni Galilee; <sup>22</sup> Kooh kootoo Herodias matue kwiya tahtitla, kahchu yakeneli Herod chu, ayi yakasatai chu, metihi tyiyi toowe ehti ayi atyedi, Soodinkyet ooli sachinioonunissatassi, atuli necho matuhsesi.

<sup>23</sup> Kwete oochu ayehti, Atghaze ooli assyesi oochu gho soodinkyet ate, tghatichi ooli assi naslelasi.

<sup>24</sup> Kahchu hadessa totsi anna. Ye ooduskyet aoontye totsi ehilton? Tsiyua so toowe ehti, John matukeghinkliti tsi.

<sup>25</sup> Iteteh kwete metihi tyiyi tsidesha, kahchu atakyet, kooh koosti atezon sahoalli tsa ihkye John matukeghinkliti tsi.

<sup>26</sup> Kahchu ohtye metihi tyiyi atu kenelilon; hoontye ooli oochu ati ihe, kahchu aghatane ihe kookasata, atu yaza ootihyul. <sup>27</sup> Kwete chu metihi tyiyi otsideha teze, kahchu matsi naghahal yehtilon: kahchu otsidesha tane kwechayehti yeti hlihyitl. <sup>28</sup> Kahchu yeti nanioo tsakye, kahchu atyedi ghioo: ooh ayi atyedi to ghioo. <sup>29</sup> Kootoo yaotatichne oghatitsuk chi, yachihatestyel kahchu yazeche nighatihtyi, kahchu natine kwati naghanihtyi.

<sup>30</sup> Kahchu wochichatehane aghanetye intataghati Jesus aliiti otsihatestyel, atghazi kitatati ooli, keooachii, kahchu ooli tane gha ootatyechine. <sup>31</sup> Kahchu toowehchu yehti, Tyetahtyel naghai tyinta oolite yaghi kemwehchi, kahchu oontsutli natahyih: kootoo natlon yuhchighatestyel kahchu yiteghatestyel, atulita ahwosits kuzza ooli.

<sup>32</sup> Kahchu naonai ela tu chok ehkyeatchi ehkyeghaghiyiel. <sup>33</sup> Kahchu tane kooyah achughatestyeloo, kahchu natlone atakooyehi, kahchu tane natihiti otsi atghe otsi

ooghatetsut nito kwa otyiyi aghoo anetye oogha-i, kahchu tane tse nighanintyetyl, aghanetye kiyunintyetyl. <sup>34</sup> Kahchu Jesus hadesha natlone tane gha-ih, ohtye matsun tatihti kyehe indityesa, uspai etyieh uspai ghaghatane tane atu ayehi: kahchu tye yaghotatich natlon ooli.

<sup>35</sup> Kootoo ayi dzinelon kwakoole tontyeto kloeh ooli, yaotatichne yachitestyetyl, toowe yehtilon eh, Kemwehchi oolilon chodeh, kahchu kwa oonchadeh dzine kloeh ooli: <sup>36</sup> Achuyadeha tike okehe otsighatatyel, kahchu nito kwa ootlonchi, kahchu ataheghatut-lihi gha otles tyes: atuli ghatsitsi aghahi ihe.

<sup>37</sup> Ateyatatlalon hoole toowehchu yehti ihe, Naghanilon kiyioohtai kooyanahli. Kahchu toowe kiyehi, Yaghe otsi tawotyeli ataghawothhi ila sooniya onkye keoneti ketyi sachunai ehtye otles tyesa, yaghine ghaoohchuti?

<sup>38</sup> Toowela ooli nayetilon, Taitya otles tyes ahiwo? onkawahya. Kahchu ataghowatichi, toowela ghati, Hlahcheti, hluge chu onketi.

<sup>39</sup> Kooh yehtilon eonetye tsi tahtsi kloke tanepyeds tgha. <sup>40</sup> Kahchu ghatye gheskyih inchake, keoneti ketyi tatehtsi inchinatatyel, taghane chu hlahcheti ketyi inchinatatyel tatehtsi. <sup>41</sup> Kahchu hlahcheti otles tyes niyatila hluge onketi chu, koohtike ookahtgha yatsi kahchu merci yehti, kahchu otles tyes yataghiyits, kahchu yaotatichne ghila yaniyulel gha; hluge onketi chu anetye tghaestich. <sup>42</sup> Aghanetye eghaghintalon, oochu tataghanastolon. <sup>43</sup> Kahchu keneti onketi matgha kloke asklu ghaisis tadesmanoo mechaghintai ihe, hluge ihe chu. <sup>44</sup> Kahchu yeghaghintaiine otles tyes oolital hlahcheti keoneti keoneti ketyi sihlon enetyi sihlon tezo.

<sup>45</sup> Ieti tye kwete anetye ihe yutilon yaotatichne tachin elahkyeootyeli kha, kahchu taityechi otsighatuteligha haladih Bethsaida, achutehaton tane. <sup>46</sup> Kahchu kootoo achuteha, atai chu yitaityesha khis tsi yaootootyech.

<sup>47</sup> Kahkachi aoocha tsi, tachin ela tatiche tsi tu chok taghalilooch, atane nunkuchi sahti ali. <sup>48</sup> Kahchu yai ohtye keotichoo atowazu; intsita oolieh: oolital hatlindo aoocha soo tane wohniyalon, tu chok khai niyalon, kahchu yaoooyeassilon. <sup>49</sup> Kiyainchi tu khai niya, kooh kooghati tane atsinde ali lontye kiyutih, kahchu ohtye oonighanintyetyl: <sup>50</sup> Aghanetye kiyai, kahchu atu oochu indighatyesalon. Kwete inchi ooghatatyech, kahchu toowela yehti, Ohtye soonahyete: suni asli aontye; atu ooneghahtyel.

<sup>51</sup> Kahchu inkhadesha elahkye atine; kahchu intsi adestut: kahchu ohtye khawoghali, kahchu o-ochi khawoghali. <sup>52</sup> Atu ayi indi ghati ihe ayi o-ochi keochaachi kehchi otles tyes: aghatane koodzye natsuttieh.

<sup>53</sup> Kootoo naghateskyi tsi, koonaghaghintyetyl tike Gennesaret, kahchu tghaghiyetyl. <sup>54</sup> Tghaghiyetyl tsi ela ehkye tsi, kwete atakiyeti, <sup>55</sup> Kahchu kyeton ghatich aonetye ieti otusinkha, kahchu kyekyeyehitch ayi tyelisatyii tatihi, ali iteh oohatitsukooch. <sup>56</sup> Kahchu kwiyah assitih nito kwa chisinch, nito kwa otyiyi kooole, tike kooole, nikiyiyih ayi yatitine atghunni tiche kooole, kahchu kichiniooghanunisit kikatutihli gha ghatye makestue maihe aghoo kiyuhchuti gha; yuhchutassihne anetye yaghitalon.

## 7

### *Tghachyestla taiuohi.*

<sup>1</sup> KAHCHU anetye machichatyeha Phariseene, tahkine adeskesne chu, ha Jerusalem tsi ghatillne. <sup>2</sup> Kootoo kiyainchi tahkine yaotatichne aghatsitsoo otlestyes atu ka tila tyeghinyekoo, ayi tsati, kila aghoo atu tyetsaghinyek, tahkine atu yeswe kooghatilon. <sup>3</sup> Aghatane Phariseene, Jewne chu atghe, oontlon chi taghila tyenaghatichoo zon aontye, atu aghatsits athli, kooghatghoonoo yaooty hatseto koola otehchi meetiootyeha. <sup>4</sup> Kahchu naghatichta ataghe tsi, atu natsun nootootihul ate, atu awoontsitsassi. Kahchu ooli natlon ooli nikitilaine o-otghooni, tsa nootoochatuhul kahchu mihe tu tsato chu, tanihkluchi satsone tataoochayihli takehchestai chu.

<sup>5</sup> Kahchu Phariseene chu yatiklesne chu, Taotya kiyehi, Yehoo gha mawotintichne atu nakyhchi indi gha tyes aontye tane haladi otichne tane, ahwole otles tyes eghaghinta atu tahila tyeghaghinyekoo?

<sup>6</sup> Ateyatetla, kahchu toowe yehti, Oochu naghai nasetyilon Esaias naghani oontlon nahtahoo, takehnichatinkles akehe, Ayi tane oochu assaghati taaza ihe, ooh koodzye tontye saoch.

<sup>7</sup> Ghatye ahwole kooyootastech tanegha ooghatatyechoo tane mihe chioochatihi.

<sup>8</sup> Tyinta saoo Nagha Tgha otiche, ooahtghoon tane yaghita kehe, nootghochadehulli mehtutsato tsa chu: kahchu ooli natlon ayi etye keoghaach.

<sup>9</sup> Kahchu toowe yehti, Oochu Nagha Tgha zake kyenaghali, maghahtai yu aontye nagha onti. <sup>10</sup> Atane Moses kooehtii, Ohtye natgha chu noo chu tao-oncha; kooh hatyehlon

ooline tatgha tsi to yu ketseliooh otih ate, chazuhelassi: <sup>11</sup> Ahwole naghai atahti aoontye hoontyeoo ooli tatgha koole to koole, Corban ayi, ayi tsati, kachiahi, yaghi ooli nakeostich iyu aoontye; kao-ontsutti. <sup>12</sup> Kahchu atu otehchi machi nioonunahsit ooli yaaootli tatgha koole to koole; <sup>13</sup> Naghai hahte tsioone Nagha Tgha zake awahtla atuli kyewoti nagh aonti ihe, kanaoohi: kahchu ayi etye natlon ooli keoaahch.

<sup>14</sup> Kootoo chu aitye tane kawoti tsi, toowola yehti, Anahtye soozahntsoo naghani kahchu atahtsuk: <sup>15</sup> Atuli ayi tane matsun khitsi tatyezut ayi mazi ti achi chahtayuleassi: ahwole yetsi hayatehai ayi ali tane chahte ayihihchi. <sup>16</sup> Ooline matsakhe oolitanee iiti ootootsukissi, inkai ootootsuk.

<sup>17</sup> Kootoo tane oochu tyesha nito kwa, kwenaghacha yaotatichne taontya yehtilon hleoontye akyehchi oochatihi. <sup>18</sup> Kahchu toowe yehti, Kooka naghatsi toontooe aoontye? Atu kyenahthihela, ahtghazai ooli tsehtsi otsi kwetsutti tane, atu chahte ayili eyontye; <sup>19</sup> Atu madzye tsi ihe ahakoontye, ahwole mapat tsi, kahchu hatsat oochu sookah nininkyieh aitye etsun?

<sup>20</sup> Kahchu toowe ehti, ayi tane tsun tsi hadehtsutti, ayila tsahte ayihihchoonte tane. <sup>21</sup> Koodzye ta otsi tane, ine tsi tatyestek ootype indi metselihi, soochachai chu, nakhochityeli chu, tlahchazaghai chu, <sup>22</sup> Atsunnee achuneih chu, machachintyi chu, inditselihi chu, oochachiti chu, naona-i indyetselihi chu, atai metselihi chu, atacho chunehlihi chu, achachatachai chu, tsaoochayaghi chu. <sup>23</sup> Anetye ooli metselihi kwetsut tane tsun tsi, ahwole tane tsahte ayila.

<sup>24</sup> Ayiti otsi niyya, kahchu tghanatyeshya Tyre yu Sidon yu, kahchu nito kwa ootanaghacha, kahchu koonoo atuline atawo-oti kootilon: ahwole atu nana-i iyu aoontyelon. <sup>25</sup> Ehlahti tsege matue ooli ayehii atsinde metselihi, ootitsuklon, kahchu yuhchideshalon kahchu makye keh nadsutlon: <sup>26</sup> Yaghi tsege Greek tane, Syrophenician ine tsi ihe otsi tazelh; kahchu yachinionunisit hayatoohai gha atsinde metselihi matue zi ta otsi.

<sup>27</sup> Ahwole Jesus toowe yehti, Inkai hatse tsito tatanooto; atu oochu tsito taghaotlese kooyehwawachutalli, koohchu kli tsi tsatulihi.

<sup>28</sup> Kahchu ateyatetla kahchu toowola yehti, Ehye, aghaghintaihi: hoontye ooli takyeh yechihtati yue natunahtyeli kli tghaoohtsi.

<sup>29</sup> Kahchu toowe yehti, Tidi sa ihe oodinta; atsinde metselihi natue tsun tsi hadesha.

<sup>30</sup> Kooh niya tsi takwa, yihtyi atsinde metselihi hadesha tsi, koohchu matue takyeh ustyi keh tyelasatyi.

<sup>31</sup> Kooh kahchu yitaityeshya Tyre yu Sidon yu otsi, otsidesha tu chok tsi Galilee, taghaniya Decapolis. <sup>32</sup> Kahchu kiyananioo hligi majih oontooehu, atu chu oochu ootatichoo; kahchu yachinionunisit kooya katootihi gha.

<sup>33</sup> Kootoo otsi yatehti tane natloni, kahchu yaji ta katihitch, kahchu ghizek, yetsoode chu katehtich; <sup>34</sup> Kahchu yatsi ookahta, otyesta, kahchu toowe yehti, Ephphatha, ayi, Tahaoositti. <sup>35</sup> Itetyeh kwete maji ta hatachil, kahchu matsoode klule tihatuk, kahchu oochu otatich acha.

<sup>36</sup> Oochu atuline ataawoti yehtilon: ahwole otaihchi atuline satsih ataawotihi, otaihchi ohtye koohootyeh; <sup>37</sup> Kahchu o-ochi kao-oli toowe yehtie, Atghaze ooli tsiwohzon keoaahchlon: oochu majioontoowene anayitla oochu ootootsuki gha, kahchu saintakline oochu ootootyechi gha.

## 8

### *Tghachyestla edzentyenti.*

<sup>1</sup> AYI dzine tane o-ochi natlone, kahchu atuli aghahi kiyutsitsi, Jesus yaotatichne tyechi yehti, kahchu toowe yehti, <sup>2</sup> Satyaghisunni tane natlone, kooh kwa taiti dzinee sihaghahtyih, atuli chu aghahi ghatsitsi ooli. <sup>3</sup> Achu kooyehaitye tagha kwa tsi yaghatipatooh, woianh oohatootsitsassi, natlone tontye tsi otsighatelayu.

<sup>4</sup> Kahchu yaotatichne atetyataih, Tyechi otsi gha tayanooto tine tane otlestyes ihe chode kemweh?

<sup>5</sup> Kahchu Taitya otles tyes ahi yehtilon? kahchu toowe ghati, Taiuchi.

<sup>6</sup> Tane tsi tsiwohzon tahtsi tike wozon: ayi ninayatila taiuchi otles tyes, kahchu merci ehti, kahchu yataghiyits, kahchu yaotatichne ghila oochu yanyuleli; kwa kiyaniyila ine tane gha. <sup>7</sup> Kahchu akiyehii tahke hluge yaintsutle: kahchu merci ehtilon, kooh ehtii ine gha nichuleli. <sup>8</sup> Kahchu eghaghintalon oochu tataghanastolon: kahchu nachatanatyetl neghatila mechachelihi, taiuchi kloke ghaisis tghatatyeshmanoo. <sup>9</sup> Kahchu ine eghaghinta, oolita tiko keoneti keoneti ketyi enetyi silon: kahchu achudehalon. <sup>10</sup> Kwete ela kiyiya yaotatichne chu, kahchu yuhchidesha chisinchi Dalmanutha.

<sup>11</sup> Kahchu Phariseene yuhchihatestyeta, kwete kichi sooghatayehch, kiyinkhanata yakachi otsi ehtoole taontya kiyehchi. <sup>12</sup> Kahchu ohtye hoontachehlon matsinde otsi, toowe ehtie, Yehoo gha ine chi hlioolate kiyinkhanata ehtoole, kwa hli anaghaisii, atuli ehtoole naghachualassi tine maghestyekne. <sup>13</sup> Kahchu yechudsha, kwete elahkiyia taityechi otsi kahchu yitaityehsa.

<sup>14</sup> Mawotintichne iine kiyutoonaghatihlon otlestyes kitoelai, kahchu atuli aghahii elahkye ehlahti zon otehchi otles tyes aghahilon. <sup>15</sup> Kahchu yechiwoteh. Tyeke khaghahta mehotes chihutli Phariseene, kahchu mehotes chihutli Herod natunne.

<sup>16</sup> Kahchu inchioohwatatyech, kooh atuli otles tyes assii ihe.

<sup>17</sup> Jesus atawotihchi, toowe ehti, Yehoo gha inchiootahtyech aontye atu otles tyes ahi? atu ka atawahtihala, atahtsuk koole? kooka naghadzye natatsutooh sahoohwaoontye?

<sup>18</sup> Naghatai chu ooli, atu ookanahtghaala? naghaji chu ooli, atu atahtsukila? atu chu kyejetahtila? <sup>19</sup> Kooya tseghila tsi hlahcheti otles tyes hlahcho ootatyte keoneti keoneti ketyi enetyi, tanetyi kloke ghaisis tadesmanooh nachatanatyetl nita la? Toowe yehti, Keneti onketi matgha.

<sup>20</sup> Kahchu taiuchi aline kootghasitich tikooh keoneti keoneti ketyi enetyi, tanetyi kloke ghaisis tadesmanooh nitalala nachatanatyetli? Toowe yehti, Taiuchi.

<sup>21</sup> Toowehchu yehti, Yehoo gha atu atahtsak aontye?

<sup>22</sup> Kahchu yuhchityesha Bethsaida tsi; kahchu kiyananihtyite teze mataituehi, kahchu kichiniooghanunisit yakatutihi. <sup>23</sup> Kwa yila inchut ayi teze mataituehi, kahchu nito kwa tsi achuyetehchi; kahchu yatai keghizek tsi, kahchu yakahtetichoo, taontya yehti ooli ghila.

<sup>24</sup> Kwa yachi tahyati, kahchu ehti, Tane ghussi tachin etotyeni. <sup>25</sup> Kahchu yatai katehtich, kahchu yitige ookanahta yehti: kootoo oochu oontyei, kahchu aitye tane oochu ya-iine. <sup>26</sup> Kahchu yakwa tsi yeteha, toowe yehti ihe, Atu otsitaooya nito kwa, atuline chu tataoonti nito kwa.

<sup>27</sup> Jesus hadesha, yaotatiche chu nito kwa tsi Caesarea Philippi; otsighatelu, Taootya yaotatiche tsi ehtilon kooh yehtiihe, Mea ali saghatya tane?

<sup>28</sup> Kahchu toowela ghati, John tanetukeghinkliti tane ali: ahwole tahkine Elias ghati; kahchu achune atanetaihchi atawotine tane.

<sup>29</sup> Kahchu toowe yehti, Ahwole mea ne ahlaaontye? Kahchu Peter ateyatetla kahchu toowela yehti, Nuni ayi Christ.

<sup>30</sup> Kwa yatati atuli tsi hohohoontye atuneoo.

<sup>31</sup> Kahchu tyi yaotatiche, teze chue atghazi ooli kawotoohunne, kahchu yenaooli hoola ale, taneghaotatichi metihi chok yu, adesklesne chu, kahchu tsazughelyu, taiti dzine kaohtzut ate kahchu tsitike naotezi. <sup>32</sup> Kahchu ehtii ayi zake tanenichi. Kahchu Peter nayanaun, kahchu tyi chuhootatyech.

<sup>33</sup> Ahwole natanyesha tsi yaotatiche chu kanehtgha, Peter chuatatichlon, toowe ehti ihe, Satuchi otsidiya nuni atsinde metselihi: atu indi natih Nagha Tgha tsi tatyessuttih, yaghi zon ooli tane tsi tatyessuttih.

<sup>34</sup> Kootoo tane tsi tyechi ehti yaotatiche chu toowe yehti, Ooline sakehtayeh ati, inkai oochit atu tuti ninayatoooli matsookhatayaghi, kahchu nakehtuyesi. <sup>35</sup> Ayih sye nayaghohtalon kyehghata kehe, tghayaturalassi; ayi tayadesoootai kyehghata kehe suni tsi kahchu otich oochu chu, ayi nayahoohtezi. <sup>36</sup> Yechiha yatsi ewoyuesiha tane, tike okehe ootanatsut atoo, tatsinde tghayaghatyeshai ate? <sup>37</sup> Ooli sitah tyessooite taghatai tah? <sup>38</sup> Ooline siooyale tane zake chu chode soochaghachatai chu kyidyetseli chu tanegha; ayilon atane tane chue yaooyaooli, kootoo yuhchininiye ate kochi soochunetyi Matgha keotichne oochune chu.

## 9

### *Tghachyestla kalaketi.*

<sup>1</sup> KAHCHU toowe yehti, Kwa hli anaghaisii tahkine chode natehyane atu koozetse oolyezi, naoghatyitsi ooli ate Nagha Tgha kyeyi khoonao-ozit ate mehnatsutsutti yu.

<sup>2</sup> Edzetaiti dzine kloee Jesus Peter chu, James chu, John chu hlyekehgatechlon, kwa hlilon otsighatyeshha khis tsi ohtye nataghisatti sahte ooghaty: kahchu yakaitghaityeh achu meotati. <sup>3</sup> Kahchu makestue mesaniti takulli kye yas etye; atuline chode tike hahtye takulli awolene ooli. <sup>4</sup> Kahchu klohnaghatyietl Elias chu Moses chu: kahchu inchiooghatatyech Jesus chu.

<sup>5</sup> Kahchu Peter otyesta, toowehchu yehti Jesus tsi, Metihi, chode itli gha oochu: inkai taodatyedi kwa aootiili; ehlahti nuni gha, ehlahti Moses gha, ehlahti Elias gha. <sup>6</sup> Atu ti kehe atu ataotili ihe; ohtye oonighanintyietl ihe.

<sup>7</sup> Koos inchi ghililon: kahchu sa ooghatitsuklon yatsi, toowe otieh, Tai la se Chue menusli: Soozehtso.

<sup>8</sup> Intyizon, aonetye ookaghanehtha, atuline otehchi kiya-i, Jesus zon kooyehkatech.

<sup>9</sup> Khis chi chyesta ghatestyetyu, yanaootatich atuline tataeonti ooli ohwehtyi, teze Chue niiya ate zon mazetse otsi. <sup>10</sup> Ayi zake kaghaghatalon, ayi yea tane zetse achatya oontye toon ghlaghatati.

<sup>11</sup> Kahchu yehoo gha kiyeyti, atesklesne yehoo gha koohatya oontya Elias hatse naoojezi?

<sup>12</sup> Kahchu ateyatetlalon, yatatio yu, Kwa hli Elias hatse niya, atghe chu ooli sookah nioonila; kahchu takehnicatinkles akehe teze Chue ihe, natlon ooli kaootoohanu, kahchu menachule. <sup>13</sup> Ahwole suni anaghaisii aonetye, Elias kwa hli nooja, akooghati sikooh kooyekehatchihtih, takehnicatinkles akehe atanewoh.

<sup>14</sup> Kahchu yaotatichne wohniya tsi, tane natlone yehkyatich chu yailon, adesklesne chu, taoontya tookooyetilon. <sup>15</sup> Kwete atghe kiya-ichi, atghe kaoghalilon, kahchu kichiodeshtu yilaghinchutlon.

<sup>16</sup> Kahchu adesklesne tsi, Taoontya nayeti?

<sup>17</sup> Ehlaiti chu tane natlodi otsi ateyatetla toowechu yehti, Metihi nananihtyi sachue ayehi atsinde saititakli; <sup>18</sup> Kahchu oolita yihchut assiti koohoontye yayaghinchil: maza tsi oohwoos ooli chu, maghoo natazutsun chu, toontyiyazighai chu: kahchu taoontya kooyesi mawotintichne ghakitoo hai gha; kwa hli kooyandatla.

<sup>19</sup> Ateyatetlalon ahwole toowe ehti ihe, Naghai naghaje toontooe assine, taisa tsi otsi naghai aostya aonetye, taisa tsi otsia naghatagha ooslya aonetye? Sananaha.

<sup>20</sup> Kahchu kiyananiooh: ya-inchi kwete atsinde kooghoontye yayaghinchil; kahchu tike nadsut, kahchu yatatyeyech maza tsi wohoos hailyi.

<sup>21</sup> Taoontya yatgha tsi ehti taisa toh otsi kooh hoontyontya? Toowe yehti tsito ali toh otsi kooh hoontye. <sup>22</sup> Oontlon chu tsichataintyi tyenayehtyeyech ahooyu, chahteyauliassi: ahwole oolita aotunatlhlon ate, ahoohchunaya, kahchu ahachinooyeh.

<sup>23</sup> Jesus toowe yehti, Aha koodinti ate, atghazi ooli nakeotoonezi ayi aha kooti.

<sup>24</sup> Kahchu kwete ayi tsito tatgha tsi otyesta, toowechu ehti manatu ooli, Naghaghintai, kwa hwe a koosti; oochinooyeh atu a koodestihi.

<sup>25</sup> Jesus wa-ichi tane yuhchiinhlaghatelyu, atsinde metselihi tsighotyey, toowe yehtie, Nuni naza oontooehi najih oontooe ahooyu atsinde nali, ohtye anesii, yuhchihadiya matsun tsi, atu chu mazi kahchu taooaya.

<sup>26</sup> Kahchu atsinde otyesta, kwete chu yayaghinchil, kahchu yatsun tsi ghotyehsa: kahchu tane zetse etyelon; ayiwola natlone, Tehtsut ghatya aonetye. <sup>27</sup> Ahwole Jesus yila inchut, kahchu tahyatihtyih; kahchu tsitike nesta.

<sup>28</sup> Kootoo kooyachi nito kwa, yaotatichne sahti wahtila yehtilon, Yehoo gha naghai atu nanitun oontye?

<sup>29</sup> Kahchu toowe yehti, Haoontyedi atu ghatyeh ooli ihe ghachatayach, neaghasuchuli zon atu atsutitsi ihe chu.

<sup>30</sup> Teti otsi achughatestyeyt, Galilee chu kyechoghatestyeyt; koohchu kootilon atuline atawo-otih. <sup>31</sup> Atai yaotatich ihe yaotatichne, toowechu yehti, Teze Chue tsataghinsut tane tgha, kahchu kizoohelessi; kahchu tsazehai ate, kahchu tsitike nawataizi taiti dzinee.

<sup>32</sup> Ahwole atu ooghatitsukoo ayi zake, kahchu taoontya kiyutekhai ooiian kyeghanejit.

<sup>33</sup> Kahchu yuhchidesha Capernaum: nito kwa oota ati otye taoontya yehtilon, Yea khama ootahtyeyehii atghunni otichi? <sup>34</sup> Aghoo atu yachutyehlon: aghatai hahte atghunni otichi hoonchati inchi sooghatatyeyehlon, mea otehchi chatinchai kha.

<sup>35</sup> Kachu nesta, keneti onketi matgha tyechi yehti, kahchu toowe yehti, Ooline haladi tooshai ate, ayi zon hli haistlachi ayuhezi, kahchu tane gha aonetye gha keo-otechassi.

<sup>36</sup> Kahchu tsito niyatihtyey, kahchu tane kuzze nayenihti: kahchu yakooone yinchut tsi toowe yehti, <sup>37</sup> Mea so niyatuhtyeyeloo ehlaiti ayi etye tsito sindizi kehchi, suni nisatintyey: mea so nisatuhtyeyeloo, atu suni nisatintyey, ahwole ayi yuhchisatyehai.

<sup>38</sup> Kahchu John ateyatetlalon, toowe ehtie, Meti, ghityii ehlaiti atsinde metselihi hayateha nindizi ihe, atu chu naghaketayeh: kahchu nanitun, atu naghaketayeh ihe.

<sup>39</sup> Jesus toowe ehti koole, Atu nanaghahun, atuline keosahch akehe keo-oahchassi sindizi ihe, kwete ketseli hakehe sachuohoteissi. <sup>40</sup> Kahchu ayi atu chahte anahilai naghachinati. <sup>41</sup> Mea so chu naghaooolu ehlaiti tsa taismanni tu woton sindizi ihe, Christ ezon manatunne aghli, kwa hli anaghaisii, atu tayatooalassi machitikechalihi.

<sup>42</sup> Kahchu ooline chahteyayile assine ehlaiti tidi natsutli aha sooti, otehchi ootaizi atunewoh mehnachahtune kazze tsye ma koos echagheskdu ate, tyechunnityeh ate tu chok ticha tsi. <sup>43</sup> Kahchu nila chahtontyey ate, hlyenihul: otaihchi oochu nuni gha kweghoya tsaghatati achaghilili ihe, nila onketi aghoo kochi otsitiya iyu aonetye khoon metselihi tsi, khoon atu nanatsaisti: <sup>44</sup> Nootya atu taikyeyti, khoon chu atu nanatsaisti. <sup>45</sup> Kahchu nakye chahtontyey ate, hlyenihul: otaihchi oochu nuni gha kweghoya tsaghatati achaghilili ihe, nakye onketi aghoo ghotsinachatutyeyissi khoon metselihi tsi, khoon atu

nanatsaisti: <sup>46</sup> Noota atu taikyehti, khoon chu atu nanatsaisti. <sup>47</sup> Kahchu natai nihe atu oochu ookaitghai ate, hanehchul: otaihchi nawotaizi Nagha Tgha tike tsi oowoeeissi natai ehlaitei ate, natai onketi aghoo ate otsinachatuhtyellassi khoon metselihi tsi: <sup>48</sup> Nootya atu taikyehti, khoon chu atu nanatsaisti.

<sup>49</sup> Aitye tane sootakun natghachulelassi khoon ihe, tsichatullihi assi chu sootakun ihe matghaachulehesi.

<sup>50</sup> Sootakun oochu: ahwole sootakun natuetah sootakun matghachilihi, tyeha kyeheha sootakun matgha awahhliha? Sootakun kyatihch, kahchu oochu eotine klahtyi.

## 10

*Tghaohyertia keneti.*

<sup>1</sup> KAHCHU iiti otsi niyya, kahchu yuhchiklodesha Judea ti otaihchi Jordan natyechi: kahchu tane yinkhatyeshsa; kahchu tane ootanaun akehe kooh otye keeoach ahli taneghaotatyechoo.

<sup>2</sup> Kahchu Phariseene yechitestyetl kahchu taootya yehti, Oochu la teze tatsiyue yechanaolohu aotezi? kikaotyehunoo.

<sup>3</sup> Kahchu ateyatetlalon toowehchu yehtilon Tyeha kehe anaghehtya Moses?

<sup>4</sup> Kahchu toowe ghati, Moses hatyeh kha syeklah takehnichatinklessi o-ochatihtyehi adusklesse, kahchu onchatoohyellu.

<sup>5</sup> Kahchu Jesus ateyatetlakahchu toowe yehti, Naghadzye natsut akehe ayi ihe naghatsi achateskleslon tidi sa. <sup>6</sup> Ahwole hatseto otsi tike ooli toh Nagha Tgha teze oola tsege chu. <sup>7</sup> Ayi otsi teze tatgha echeli to chu kahchu tatsiyue kah awoti; <sup>8</sup> Kahchu kooh chu onkeghatatyee kootsun ehlaotooyesi: atu otaihchi onkyeghatutyehi ahwole kootsun ehlaotooyesi. <sup>9</sup> Oo ayi Nagha Tgha tsayaghehtichii, atuline inchake niyulel.

<sup>10</sup> Kahchu nito kwa oota yaotaticzne taootya yehti kwaka inhligi tsi. <sup>11</sup> Kahchu toowe yehti, Ooline assine tatsiyue odehtyetine achune chu makahtueh akoochaile ate, soocha keoach. <sup>12</sup> Tsege chu tatsiyue odehtye, kahchu makahtueh achilai ate, soocha keoach.

<sup>13</sup> Kahchu kiyananhiyti tsito yechihai, yekatoothi; yaotaticzne yachuoatatyech ayi naghanihtyisi ihe. <sup>14</sup> Ahwole Jesus wa-ichi, ohtye atu minihtike ooghilelon, kahchu toowe yehti, Ghateh kooyasahlah tsito yechihai sachaghatutyehi, kahchu atu nanahahun: ayi ihe nao-oaizi Nagha Tgha kyeyih tsi. <sup>15</sup> Kwa hli anaghaisii. Ooline atu niyatooti Nagha Tgha kyeyih yechinekehchi atu Nagha Tgha kahchi koowoyezi. <sup>16</sup> Kahchu yakoone ihe niyatintyih, kahchu yakatitich, kahchu oochu yachi indityesa.

<sup>17</sup> Kahchu yitai tyeha atghunni kehchi, ehlaityi yuhchidesha ghatlelu, kahchu yachinachustatalih, kahchu taootya yehti toowe, Oochu Tanechiotyih, tawoshlaitea ahtaze wostazonha?

<sup>18</sup> Kahchu Jesus toowe yehti, Yehoo gha oochu indityesa sindilon ha? atuline oochu oontye ehlaitei zon, ayi Tikeaootli. <sup>19</sup> Sa tsiwohzon atanati, Atu soocha aoota, Atu chu tane zaoochel, Atu chu anaooih, Atu chu ketselihoo tsiwotahoontich neotinoo, Atu chu tane nawoah, Ohtye taghooonla natgna chu noo chu.

<sup>20</sup> Kahchu ateyatetlalon toowehchu yehti, Taneghaotatic, atghe tidi kama indityeaiih yeshihto otsi.

<sup>21</sup> Kahchu Jesus yakaitgha, yuntyeh, kahchu toowe yehti, Ehlaitei ooli nainchi tehtsut: ootinta, anehisi anetye matghaneli, tyetaisanaine chu ghatanale, kooh ohtye natatootlosi ya tehchi: kahchu yuhchidiya, kahchu ninaootiah ayi sookatiya-i, kahchu sakehtiya.

<sup>22</sup> Kahchu atu oochu indityesalon ayi sa tachi, kahchu yitaityeshalon atu keneli ihe: atane ohtye ooli natlon ayehilon.

<sup>23</sup> Kahchu Jesus klokanatgha, toowehchu yehti yaotaticzne, Tewotyee atlatate ayine matatintlone kwewooyellassi Nagha Tgha nataghe tsi!

<sup>24</sup> Kahchu yaotaticzne yazake kaooghulli. Ahwole Jesus ateyatetla kahchu toowehchu yehti, Tsitohkaine, tahtye indatlaooch ayi kiyasooli mehmetatintlon kwewooyelu Nagha Tgha mataghe tsi! <sup>25</sup> Ayi kyeotunni ghatai kwewotyzoo apetsiche kaookoodi, o-ochi matatintlon ehlaitei teze kwewoya Nagha Tgha nataghe tsi.

<sup>26</sup> Kahchu o-ochi ghaooghali, toowe hlaghatati ihe, Mea mechua aghatoota?

<sup>27</sup> Kahchu Jesus yakaitgha toowe yehti, Tane la atu kookechi nioontsit, Nagha Tgha la atu kooh hoontye: aha atane Nagha Tgha atghezi ooli mahechi nioontsit.

<sup>28</sup> Kahchu Peter toowe tyi ehti, Nea anetye kyecho tasityetl, kahchu naghakyehtasityetliih.

<sup>29</sup> Kahchu Jesus ateyatetla toowehchu yehti, Kwa hli anaghaisii, atuline ooli kyeghachelihine nito kwa, mekye koole, mehtghizze koole, matgha koole, ma koole, matsiyue koole, maskyeege koole, matsatle koole, suni ihe, kahchu otich oochu ihe, <sup>30</sup> Ahwole otsinitooalassi

keoneyi ketyi otehche enetyi too, nito kwane, mekye chu, mehtghizze chu, matgha chu, ma chu, maskyege chu, makyeyih chu, kahchu tsookatayaghi chu; kahchu achu tike tsi ghonioonizut ate kwihzon ehchaghatai. <sup>31</sup> Ahwole natlone haladi atine haistlachi awotyeyssi; kahchu haistlachi atine haladi awotyeyssi.

<sup>32</sup> Kahchu atghunni aghatii Jerusalem otsi ghatestyetlu; kahchu Jesus yaghatyasha: kahchu kawoghuli; kahchu kiyahsellu oonighaninyetlon. Kahchu niyatila keneti onketi matgha kahchu yatatati yesoo yuhniyi ihe, <sup>33</sup> Toowe ehti ihe, Nea Jerusalem otsitatyeti; kahchu tane Chue niyatoohyehlassi taneghaotatich tyiyine, adesklesne chu; inkai mazetse ooli kiyehltlon, kahchu kiyaniyutyeylessi achunene; <sup>34</sup> Kahchu kiyachaochesi, kahchu kikatootoozassi, kahchu kikyehoozekassi, kahchu kizoohellassi: taiti dzinee awooché ate tsitike nawooyeyssi.

<sup>35</sup> Kahchu James chu John chu, Zebidee chue, yachidesha toowe yehitie, Taneghaotatyechi, kooh koosti aghaawoti akootiti sikooh.

<sup>36</sup> Kahchu toowe yehti, Yea sachi niioonunassit naghachanasti?

<sup>37</sup> Kahchu toowe kiyehiti, Aghaniah sookah ookyeyeti, ehlaiti mehoonati, hligi oosklag-hazihtye, nachatinchai kehe.

<sup>38</sup> Ahwole Jesus toowe yehiti, Atu atawahti ooli ootahkyeti: atu mihe tuwahto la ayi tsa mehtughastoi? kahchu tunaghakechuhkliti ayi mehtanekhaitsikliti ayi ihe nehksaichihkliti?

<sup>39</sup> Toowe kiyehiti, Atu ahandatla. Kahchu Jesus toowe yehti, Kwa hli tuwahtoissi tsah ieti otsi tughastode; kahchu ayi mehtukhaitsihkliti mihe tusakechihkliti ihe ayi ihe mihe naghakyechuhklitassi: <sup>40</sup> Ahwole wostyi chisinchi chu tayaghetichu oosklaghazintye atu si senatunne eli kaooali; ahwole kooyachulelassi ayine kooya so-ochesunne,

<sup>41</sup> Kahchu kenetyine aghatitsuk chi ohtye atu yatsi kyehanelilon James chu John chu. <sup>42</sup> Ahwole Jesus tyechi yehilton toowehchu yehti, Atawahti ayi kechanehtya kehe kikaootutti ayi achune kooyakeolech; kahchu kootaitiye kooyaghatah. <sup>43</sup> Ahwole naghai atu kooh akehe naghahyeyssi: Ahwole ayi koonoochu sachatoohcha kooti, naghani ayi nagma keo-otichassi: <sup>44</sup> Kahchu ooline assine naghani ihe haladi miindichatoesi oochi chatoohchai gha, tane glia keo-otichassi achaneyte gha. <sup>45</sup> Ayi aghoo teze Chue atu makeochatichi ihe yuhchideya, ahwole tane gha keo-otichassi, kahchu khaoollu yeghataisi natlone yeghatachi ootane.

<sup>46</sup> Kahchu nighaninyetl Jericho: kahchu Jericho otsi hatayaooch yaotatichne chu tane natlone chu, mataituehi Bartimaeus, chue Timaeus, tinkuzze satah tyechihi ihe. <sup>47</sup> Atitsuk chi ayi Jesus Nazareth chihatyeyzutti, ohtye tyi otyesta, kahchu toowe yehti, Jesus nai chue David, soonchoonaya.

<sup>48</sup> Kahchu natlone yatati atu awotihi gha: hoontye ooli otaihchi ohtye otyesta, David chue, soonchoonaya.

<sup>49</sup> Kahchu Jesus hlininiya, kahchu kwehakehe ehti. Kahchu tyechi kiyehiti ayi teze mataituehi, toowe kiyehiti ihe, Kyeneneli, niyya; tyechi nehti. <sup>50</sup> Kahchu ooyadehchus yiatehtakadi, niyya, kahchu Jesus tsidyasha.

<sup>51</sup> Kahchu Jesus otyesta toowehchu yehti, Ye sachinioonunisita anusleha? Ayi mataituehi teze toowe ehti, Aghaghintai, setai saanaoontlihi.

<sup>52</sup> Jesus toowe yehti, Taihchi ootinta; na-ihe naghinta. Iitiyeh matai naootli, kahchu Jesus kyehtesha atghunni.

## 11

### *Tghachyestla keneti ehlaiti matgha.*

<sup>1</sup> Kahchu hwa aghatyi Jerusalem, Bethphage chu Bethany chu chisinchi, khis kuchi Olives aghaty, yitaityeha onketyene yaotatichne, <sup>2</sup> Kahchu toowe ehti, Taihchi otsitahtyel yito kwa oontlo chi naghanataihchi: kahchu kweghaachatyeh soosooklya aghahtyehlassi taghaklu, atu makai achaty; tahwahut, kahchu yuhchinaghahtyel: <sup>3</sup> Kahchu ooline toowe naghai tyete, Yehoo gha koohghahtya oontye? kooh taghahti, Metihi tiye hehti; kwete cho otsi nayaduesi.

<sup>4</sup> Kahchu yitaighatestyetl, kahchu soosooklya kiyintyi taghaklu tusklahooka atghunni yaghintiyidi; kahchu tahkiyainghut. <sup>5</sup> Kahchu tahkiaie iiti naihyani toowe kiyehiti, Yehoo gha kooh hahtya oontye taghauiti soosooklya? <sup>6</sup> Kooh kiyehiti koohotyey ayi Jesus akooyehiti: kwa kootayinchut. <sup>7</sup> Kahchu soosooklya Jesus gha naghunihtyi, kahchu kiyeatetahkatti keghihla; kahchu yakaisata. <sup>8</sup> Kahchu natlone kiyeatetahkatti atghunni tsiyaghestla: kahchu achune naghaghuhul tatsi tachin tsi, kahchu ghatyeh atghunni ghatunihla. <sup>9</sup> Kahchu ayine haladi atine, kahchu ayine tanekeghataihne, oghatyesta, toowe ghatieh, Hosanna; Moohchuootaya ayi yuhchideshai yindizi ihe Naghaghatai:

<sup>10</sup> Koonoochu moohchuoootaya manataghe nagma tgha David, yuhchideshai tindizi ihe Naghaghatai: Hosanna ayi zon o-ochi yataihchi miindiotedah.

<sup>11</sup> Kahchu Jesus kwiya Jerusalem, o-ochi tyetachatlihi kwa chu: kahchu kootoo anetye ooli ookaghanehtghachi, kahcu kahkachi aoocha koohnioonzutooh, hadesha Bethany tsi keneti onketi matgha chu.

<sup>12</sup> Kahchu naodike tsi, oonatasyetl Bethany tsi tapat: <sup>13</sup> Kahchu chiche chok chine toontyetsi ya-i maton ooli, yuhchidesha intyizon ooli ion ate: yuhniya tsi aton zon yilash; atu ka chiche nichatilesti kho nioonizut ihe. <sup>14</sup> Kahchu Jesus otyesta toowehchu yehti, Atulire otsitsassi chiche nai ihe too otsi nioonizutti otsi. Kahchu yaotatichne oohatitsalon.

<sup>15</sup> Kahchu nighanintyetyl Jerusalem otsi: kahchu Jesus kwiya tyetachatlihi kwa otyiyi, kahchu hayadesla ayine atagholane kahchu ataghatotane tyetachatlihi kwa otyiyi wota, kahchu yechonayadehklit yakeehtai ayine sooniya klaghayihne, kahchu yestahi chu ayine oyetli tagholane; <sup>16</sup> Kahchu atu hatyeh yasehlai iyu maaontye ooline yatooai oolita tatawochulih tyetachatlihi kwa otyiyi oota. <sup>17</sup> Kahchu yaotatich, toowe yehti ihe, Koo atu kooh akehe nichatinklessi la, Sa kwa anetye tane tyetachatlihi kwa wowohyih? Ahwole kooh awahtla anoosine take.

<sup>18</sup> Kooh adesklese chu taneghaotatichne tyiyine metihi chu oohatitsuk, kahchu oonkhaghanatgha tyeha kehe chahteakiyule gha: yeghanejit ihe, aitye tane khaoooghulli ihe yachihootehe.

<sup>19</sup> Kootoo kahkachi ooli tsi, hadesha nitokwa wotyih tsi.

<sup>20</sup> Kahchu hatlindo aoocha, taihchi ghataihlu chiche chine maghaye otsi ya-ikoonoo kiya-ih. <sup>21</sup> Ayi Peter kyejetitihyu toowe yehti, Taneghaotatyechi, makintgha ayi chiche chine atu tyeswe adintii kwa sakoon.

<sup>22</sup> Kahchu Jesus otyesta, toowehchu yehti, Nagha Tgha aha oodinti. <sup>23</sup> Atai kwa hli anaghaisi, ooline ti khis atyetane, Achu ninintsit kahchu otsinachatoohyeli tu chok tsi; kahchu atu tawahkootey ate tadye ihe, ahwole ihe kootilon ate ayi ooli ehtii sakyehchi niwotsitti; awohiisi atghazi ooli tyekootesi. <sup>24</sup> Ayi ihe anaghaisii, Ooli si nioonisitassi, aghaswehlye ate, ihe kootahti nitaghahali, koohzon naghahaisi. <sup>25</sup> Kahchu natahya otye aghaswehli intyizon ooline oolakehe chahte meititaai ate: Nagha Tgha naghai chu ya tehchi ati naghaoochatoozulassi nagma metselihi. <sup>26</sup> Ahwole atu ootalai ate, atu naghani chu Nagha Tgha yatehchi ati naghaoodohulassi nagma metselihi.

<sup>27</sup> Kahchu yuhchighatestyetyl Jerusalem tsi: intyizon ghayahlhu tyetachatlihi kwa otyiyi oota, yinkhadesha taneghaotatich metihi tyiyi, kahchu adesklese, kahchu haladi meindi chatehaneh, <sup>28</sup> Kahchu toowe yehti, Ye makaoonatsut ayiwuh keonaahch aontye? kahchu mea nayiwa tidi kakaoodzutti keonaahchi tidi ooli?

<sup>29</sup> Kahchu Jesus ateyatetla toowehchu yehti, Suni chu ehlawotatyete taoontya naghosyee-assi, kahchu satatahti ate, naghatatuhsi ye kakaoodzutti kooh akehe kewohahch aontye tidi ooli. <sup>30</sup> Matukeghihliti John yataihehi otsi la tatyeesut oontye, tane tsi koole? kootatinti.

<sup>31</sup> Kahchu inchiiooghatatyech, toowe ghati ihe, Koohtitye ate Yataihchi otsi; kooh tootyeyi, Yehoo gha tawah tahtyaontye? <sup>32</sup> Ahwole koohtitye ate, Tane tsi; tane eghanejit: ayiwo aitye tane koohkiyehti John, yaghi kwa hli tanetaghatahchne ali.

<sup>33</sup> Kahchu ooghatyesta kahehu Jesus tsi toowe kiyehi, Atu koowoti. Kahchu Jesus otatihch toowehchu yehti Suni chu atu naghatatuhsehi naghakaoodzutti ayi ihe keonaahch tidi ooli.

## 12

### *Tghachyestla keneti onketi matgha.*

<sup>1</sup> KWA tyi yaotatich yiheaghasule. Ehlaite yaghi tane oonehye chiche chok chine ochunehyehti, kahchu anetye ootaisuggi oola lon, kahchu hayaghinkyetlon ayeti chiche tu taaoochklitigha, kahchu nayaghintsih khaghatai kwa, kahchu yanyiooh oonehyene tane, kwa tontyetsidesha. <sup>2</sup> Kootoo koonioonzutooh otsiyateha ayi ehlaite yakeotiche yinkhadoya natlone tezoo, yayual assilon chiche natlone tezoo chiche chine oochunihyehi tsi. <sup>3</sup> Kahchu nighatintyi, kahchu kikutatooz, kahchu tahzoh achukiheteha. <sup>4</sup> Kahchu yachideha achune woaine; kahchu ine tshihadehyitl, kahchu tsinakoozehai yeti ihe, kahchu achukideha maooaya ooli. <sup>5</sup> Kahchu achune otsideha; kahchu ayi hazehai; kahchu achune natlone, tahkine chu kikutatooz, tahkine chu kizehai.

<sup>6</sup> Kwaka ehlaite machue ayehi, o-ochi mandayadetlahoo, ayi chu haistlachi yachiyadeha toowe ehti ihe, Kiya indi nootghahassi sechue.

<sup>7</sup> Ahwole ayine oonehyene tane toowe hlaghatati, Tunela katsila kakaoozutassi; kwa hoote zaooogheli, kwa naghani kakao-odzutassi. <sup>8</sup> Kahchu nighatintyi, kahchu kizehai kahchu khakitihtyi chiche chine ochenihyehti iite otsi.



<sup>9</sup> Yea aati ayi kakaoodzutti chiche chine ihe ochanahyehi? yuhchinatlone chahta-woleissi oonehycne tezoo, kahchu achune chiche chine ihe ochanahyehi ghaooalassi. <sup>10</sup> Koo kahchu atu makeh ootaghatetchila tidi aduskles; ayi tsye kiyenali? ayine nito kwa aootline ayi hatse oohniya sookewostidi: <sup>11</sup> Tila Aghakaoodzutti makyeoahchi, kahchu ohtye kawochulih naghataitgha?

<sup>12</sup> Kooh chu onkhaghanatgha kiyuhchutigha, ahwole tane eghaejiltlon: aghatane atawo-otih ihe ako-oyehti ihe ayi meaghasoochali: kahchu kiyechutestyetllon, taichi ghanintyetyl yu.

<sup>13</sup> Kahchu kichiteha tahkine Phariseene chu Herodiana chu, kiyukluhchi gha yazake. <sup>14</sup> Kootoo nighanintyetyl tsi, toowe kiyehi, Taneghaotatich atawotih ihodinti, atu chu ooline inaoohoontyiaasi: atu chu kyinditaniha tane oontya kehe, ahwole taneghaodintich Nagha Tgha oontya kehe matlontideh: Tsiwohzon la machulelu mehtikechilehe sooniya Caesar, intooe ate chu? <sup>15</sup> Kaooyeli la, atu kaooyeli koole? ahwole atai atawonatioo meaneahe, toowe yehti, Yehoo gha sakaootahun aontye? sananah sooniya satsoone, wosyekhai. <sup>16</sup> Kwa nakiyiooh. Kahchu toowe yehti, Mea achintye sikooh kahchu takehnicatinklesi mindizi? Kahchu toowe kiyehi, Caesar tsi.

<sup>17</sup> Kahchu Jesus ateyatetla toowehchu yehti, Caesar ghanahah ayi ooli ayahi Caesar, Nagha Tgha chu ooli ayahi Nagha Tgha. Kwa Kiyaooli.

<sup>18</sup> Kootoo kooyinkhachatestyetyl ine Sadducee yaghine nachaghintai oontooe ghatine; kahchu taontya kiyehi toowe ghati ihe, <sup>19</sup> Taneghaotatyehchi, Moses aghaadusklesiih, Ooline mekye tehtsut, ate, matsiyue chu yechodyesha ate, kahchu tsito atu yechodyesha ate, mekye matsiyue niyatahtyelo, yaskyege yayanuhi tsito mekye. <sup>20</sup> Oowhilihi taiuchine hlyehligi ghili: kwa ayi hatse tsege nitintyi, tehtsutooh atu tsito yechodyesha. <sup>21</sup> Kooh chu haladi tachi tsege ninayatihtyi kahchu tehtsut atai chu atu tsito yechodyesha: haladi tachi ayi chu kwaka hlyeih. <sup>22</sup> Kahchu taiuchi aline aghahiii, kahchu atu tsito yechoghatatyl: hli haistlahchi ayi tsege tehtsutii. <sup>23</sup> Hooghaghintyetyl tsi, tsitike ghaiskye tsi ooli ate mea soo ate yakahoota tyiooh? taiuchi ghili aghanetye kookahsatalon.

<sup>24</sup> Kahchu Jesus ateyatetla toowehchu yehti, Atu kha yaghayala, atu itawahtih ihe, aduskles tyiyi, Tikeaootli koole manatsutti? <sup>25</sup> Kootoo tsitike ghaiskye ate koozetse otsi atu inkah tueakoochila koole atu chu hlakoochilalon; ahwole keotihchi tyiyi yeghinhtyelon yataihchi ati. <sup>26</sup> Ahwole tehtsut ine, tsitike nawokyese: atu makyeh ootaghatyechtah ooli la Moses adusklese, tyeha yehti kat tsaghehtontii Tikeaootli yechiintechii, Suni Tikeaootli asli aontye Abraham tgha asli, kahchu Tikeaootli asli aontye Isaac tgha asli, kahchu Tikeaootli asli aontye Jacob tgha asli?

<sup>27</sup> Oochu natoonee atu yeta odeha ahwole yaghitane gha: ayi ihe o-ochi kayaghatstul.

<sup>28</sup> Kahchu ehlaiti adesklese yahchidyeshah, kahchu atitsuklon ihe inchiotatyech otye, kahchu atawotihoo tsiwohzon ateyatetlalon, taontya yehtilon, Tyeya ootaihchi hatse tsiwotsatyehli?

<sup>29</sup> Kahchu Jesus toowe hakehe ateyatetla, Hatseto tsiwotsatyehli anetye asikooh titih Nea oozintso, Israel; Naghaghatai Nagha Tgha atane zon Naghaghatai aontye: <sup>30</sup> Kahchu maoontye Nagha Tgha Naghaghatai atghe nedzye ihe, kahchu atghe matsinde ihe, kahchu atghe nindi ihe, kahchu atghe nanatsutti ihe: ayila hatsetoh tsiwotsatyehli. <sup>31</sup> Oo ayi onkye kwa hlye oontye, toowe hakehe, Mataghoonti nehtanoone natsun matintya kehe. Oontooe tsiwotsatyehli ootaihchi miindichatoohai tizon.

<sup>32</sup> Kahchu adesklese toowe yehti. Kwa hli Taneghaotatyehchi, kooh tintiih hlonthati: ehlaiti zon Tikeaootli ali; atu achune atune zon: <sup>33</sup> Kahchu machutye atghe khadzye ihe, kahchu atghe atsatsuk ihe, kahchu atghe khatsinde ihe, kahchu atghe mehnatsutsut ihe, kahchu yuatutih yetanoone atwati yakehe, ootaihchi kyeindi ootaha ayi aghoo atghe tsichatihuli chu inghade keochaachi chu.

<sup>34</sup> Jesus wa-inchi ooyu tahwohzon, toowe yehti, Atu tontye tsi anatih Nagha Tgha nataghe otsi. Atu ayi keh taontya atu nichatitah ooli.

<sup>35</sup> Kahchu Jesus otyesta toowehchu yehti taneghaotatyechoo sahtgha tyetachatihi kwa tyiyi oota, Yehoo gha adesklese kooghatya oontye Christ David machue? <sup>36</sup> Ayi ihe David atane koochati kooehtii Atsinde Oochu ihe, Kakaoodzutti kooyehtii Sakaoodzutti, Nuni sinta nohtichintye atehzonih aiseakooyasle ate tsintanine.

<sup>37</sup> David atai hoochati nai Kakaoonadzutti yehti; tyechi otsi gha machue yilontye? Tyetaisanaine kyehanelilon oochu kititsalon.

<sup>38</sup> Kahchu toowe yehti machiootehe, Matsagha ghahta adesklese, tane ayine kwaghintyene koo kestue yaintyesne, kahchu kwaghintye kyila chihchiche inchiatahachulihti. <sup>39</sup> Kahchu asta otyihtii tyetachatihi kwa, kahchu o-ochi nataghisatoooh asta kwehluchayihiti: <sup>40</sup> Chahte akiyila ya kwa waatyih, kahchu tane ghanaaohoo oontyes oohatatyech: ayi ti otsinighatooalassi ohtye otaihchi ketselihooh keochaahchi.

<sup>41</sup> Jesus chu sata sooniya ninchatilesti oghade, kahchu tane ya-ih iotsi sooniya ot-siyateliyihoo kweotsi nichatilihi sooniya; natlone chu tatintlone natlon kwechihate-hul. <sup>42</sup> Yuhchidesha ehlaite tsege tiesunni waatyih ali, kahchu kwehchiyatehyitl o-ochi yaintsutli onketya sooniya satsoone toolya ehlaite sooniya satsoone enetya eyontyi.

<sup>43</sup> Kahchu yaotatichne tyechi yehti, toowechu yehti, Kwa hli anaghaisii, tai tiesunnioo waatyih naghataihchi ohtye kwechiyatestla, anahtye naghai ooia kwechitala sooniya nichatilesti: <sup>44</sup> Ayi ihe aghanetye kwehchighadestla kootatintlon otsi; ahwole atai yindatli otsi kwehchiyatehyitl anetye ayehesi, anetye ooli yighataisi.

## 13

*Tghachyestla keneti taiti matgha.*

<sup>1</sup> HOONTATAHOOH tyetachatlihi kwa otyiyi tih otsi, ehlaite yaotatichi toowe yehti, Taneghaotintichi, nea ti tsye naih atotype, kahchu nito kwa atotype chode ooli!

<sup>2</sup> Kahchu Jesus otyesta, toowechu yehti, Onaila tidih kwa tyiyi tonli? atu ehlaite woo meachu chatuyesi tsye tasaoo nachatihulassi.

<sup>3</sup> Kahchu sata klataihchi khis ke Olives oghade tyetachatlihi kwa tyiyi, Peter chu James chu John chu Andrew chu taoontya kiyehilton sahti aghati zahtgha, <sup>4</sup> Aghatatinti, taisatsi ooli khoonioozit aontye? kahchu ate taootyaontye kootoo anetye ooli ooghade nininky ate?

<sup>5</sup> Kwa Jesus atoyatetla toowechu tyi ehti, Tyeke atuline naghanooah: <sup>6</sup> Natlone chu yuhchighatutyellassi sindizi kehchi, toowe ghatuti ihe, Suni Christ; natlone chu ghanooa-hassi. <sup>7</sup> Kahchu atahtsuk ate natsapahi kahchu natsapahi eoyu ate, atu nagma khaz-atawahtyel: ayi etye ooli kehchi nio-otsitassi; ahwole halohchi atuka koohnao-ozitassi. <sup>8</sup> Ayi ihe ehlaite tane ghataghtodeh kiyinkha ghatapah achu tanane, kahchu tane tike inchi niyah: kahchu eonetye tsi tike ootoolone tsi, kahchu wo-olyesi to khasihai tsookachatayahi chu: ayila tatyeeski ochati kyeatsunatsitti.

<sup>9</sup> Awole achukhaahahta naghai: naghaghatoochitassi tsiwotsatyelchi; kahchu tyetachatlihi kwa oota naghaghatsutyessasi: kahchu nanaghachulelassi haladi tsiwotyih metihi o-ochi metihi tyiyi chu suni ihe, ayi ihe kooyeh ooghachtichoo. <sup>10</sup> Kahchu otich oochu ihe hatse kooyehoochutichassi tike okehe atghe tanane tsi. <sup>11</sup> Ahwole otsinaghachataistle ate, kahchu naghachataitsut ate, atu ahunataihchi kindiwahtsit atawahtyakehe sootasun koole ataghahkyakehe: ahwole ooli si naghachualassi ayi sakehchiaghali ayi otatich: atu naghani otatyech ahwole Atsinde Oochu.

<sup>12</sup> Mekye taza ihe yatutsitassi azeche tsi mekye, kahchu atghe khachue; kahchu tsihone koonachine niwotyellassi, kahchu nakiyuteissi tsazuheli gha. <sup>13</sup> Kahchu naghai tane naghachatuh Ikeassi sindizi ihe: ahwole ayi ayuhi haistlahchi otsi, ayi nachaohtaisi.

<sup>14</sup> Ahwole wa-itah ayi metselihi chahtehnitsutsiti tsi kamaotatyehchi Daniel atanataihchi atawatihi nachaghintsitti ayiti o-otooassi lon, (ayi aghasule inkai ootootsukki,) inkai ayine Judaea aline khis tsi ghatoowhezi: <sup>15</sup> Kahchu ayi tahtaghatsi nito kwa atu noocha nito kwa otsi, koole atu ayite kwewoya oolitat nitooaluh makwa ats: <sup>16</sup> Kahchu yaghi achunihyehti oota ati atu tahnatoocha yehatyetakhati niyatoaalu. <sup>17</sup> Ahwole atu oochu awohtyeissi ayine koozita tsito tehtsine, yaghine chu tsito yehtochne ayi dzinee! <sup>18</sup> Kahchu aghasuahlih nahuthataklhihi atu yaske ooli. <sup>19</sup> Ayi ihe dzinee oolezi tsookachatayahi, ayi etye natooechi zon oolihih toh otsi hatseto tike ooli toh otsi Nagha Tgha ayilaii, kwa hlilon too otsi, atu koole o-otoowesi.

<sup>20</sup> Kahchu atu Tikeaootli dzinee nakhasse oolai ate, atuline ootaizilon: ahwole matghachihchine tsi, yatgaha-ihchilon, natya oolalon ayi dzenee. <sup>21</sup> Kahchu ooline toowe naghahyte ate, Nea, taila Christ; koole nea, yaghitih atih; atu a Kootaghahti: <sup>22</sup> Ayi ihe atu tyeswe Christ kahchu atu tyeswe ghaghatane niwootyellassi, kooh chu kiyuesi ehtole kahchu kawochuli, aghanooahi gha, awowootli iyu aontye ate, matghachihchine. <sup>23</sup> Hoontyeoo khama-inditahsit naghani: nea, naghatasiih atghazi ooli ootagha.

<sup>24</sup> Ahwole ayi dzinee, kaohtzut ate ayila tsookaehatayahi, sa ihewohelassi hatleke iza chu atu kaooalassi maootaghe, <sup>25</sup> Kahchu yataihchi sun ooli nakyelassi, menatsutsutti yataihchi ta ooli yatooloonassi.

<sup>26</sup> Kwa ayiti kiyueissi teze Chue yuhchidesha khoos tgha o-ochi mehnatsutsutti chu tsatinchai chu. <sup>27</sup> Kwa iiti otsiyateha yakeotihehi tyiyi, kwa chu nachaghanoolelassi yatghachihchine tyeotatyechi otsi ninchi, o-ochi tike wolonhchi otsi kwa hlilon o-ochi yataihchi lonhchi.

<sup>28</sup> Kwa hooite ookaatawahti mihe achati chiche chine tsi; kootoo kwaka matatse natsutle-tonh, kahchu ato nehyeha, atawahtihoo hwaza atoleh ooli: <sup>29</sup> Kooh otye naghani chu, wachi tidi ooli koohnininky ate, atawahti kwa hwa ooli, tusklah koole. <sup>30</sup> Kwa hli anaghaisii,

taine yahlaniyune tanane atu koolonh oolesi, aise atghe ooli tidi achahi. <sup>31</sup> Yataihchi chu tike chu o-otooesi; ahwole sezake atu woloh oolesi.

<sup>32</sup> Ahwole ayi dzinee kahchu ayi sakehchiahali atuline atawoti, ama, atu keotihchne tyiyyi yatehchi atine aghoone khachue aghoo, khatgha zon. <sup>33</sup> Tyeke naghai, ootanaahi kahchu aghasuahli: ayi ihe atu atawahti koooh nawizut ate. <sup>34</sup> Tezoo Chue ali ihe tezoo yetye tontyetsi tatyehe ihe, tanito kwa kyechotyessa, kahchu yatsiwesta yakeotichne, kahchu anetye tezoo keotihch akehe, kahchu ayehtii tusklah khaghatai ootanooh gha.

<sup>35</sup> Ayi ihe ootanaahi: atu atawahtii aontye kootoo nito kwa khaghatai naoochati, kahkachi koole, hatleke tatichi koole, tihchok otyesta zahtgha koole, hatlindo koole: <sup>36</sup> Intyizon nooja ate, atu nahoohyeloos satyechu. <sup>37</sup> Kahchu ayi anaghaisii anetye kooyesi, Oonahi.

## 14

### *Tghachyestla keneti tinti matgha.*

<sup>1</sup> Onkyeti dzinee oolesta ooli kwehlachayih passover achati, kahchu otles atu chehyutli: kahchu taneghaotatyechi tyiyyine adusklesne chu oonkhaghanatgha oolakehe naoonai nighatuyeli gha, kahchu kizuhelyu. <sup>2</sup> Ahwole toowe ghati, Atu kwehlachayih dzinee eli, atu tane inchiniotyelu.

<sup>3</sup> Kahchu ali Bethany tih ma kwa oota Simon chusache ayahi, intyizon sata atsitsoo yuhchidesha tsege ayahi khluk tsey khaisis spikenard otsi o-ochi matahi natlon; kwa yataghataghooh tsey khaisis yitii, kahchu yatsi kachi nayadinkli.

<sup>4</sup> Kahchu tahkine atu keghaneli kooyindi ihe, kahchu toowe ghati, Yehoo gha tidi ghatsatyeska tidi khluk? <sup>5</sup> Ayi ihe ataghachulekhai ootaihchi tghakoooh keoneti ketyi sooniya satsoone ihe, kahchu tyetaisanaini ghachulelakhai Kwa atu tyeswa akiyehti.

<sup>6</sup> Kahchu Jesus toowe yehti, Atu machuwahti; yehoo gha machisootahtyihch? ootaihchi oochu saatyihnh. <sup>7</sup> Ayi ihe inkaa eahline tyita-isanaini, kahchueoonetye akootahti o-ochi akooyaghakleshi: ahwole suni atu inkaa naghaasli. <sup>8</sup> Koo hatiih machitelonh otsi: ootagha yuhchidesha yuhthlukke gha oochu nisachutyel gha. <sup>9</sup> Kwa hli anaghaisii, ooli tsi otsi tidi otich oochu moohwochatih ate tike okehe, tidi chu atii moohwochutyehesi menachutii gha.

<sup>10</sup> Kwa Judas Iscariot, ehlaithi keneti onketi matgha ihe, yinkhadesha taneghaotatyech tyiyyi metihe, ooli oochadehyitli kyehodewoosh, <sup>11</sup> Oohaditsuk chi, ohtye kyehanelilon, kahchu ootagha tsi akiyehilon sooniya yaoooleli. Oonkhanatghalon tyehakehe sookah niootsitigha chahte autigha.

<sup>12</sup> Kahchu hatseto dzinee otles atu chihyutli, kwa ooghazehai passover, yaotatiche toowe yehti, Tyecha koodinti nataghasootaoozani ate oonsitsi passover?

<sup>13</sup> Kwa onkye tane yaotatiche yitai tyeha, toowehchu yehti, otsitahtyeli nitc kwa otyiyyi tsi, kwa matii tagahazasi ehlaithi teze yaalu ehlaithi mehtukachatayehi taismanoooh tu ihe: makehtahaz. <sup>14</sup> Kahchu kwiyesitti, toowe ahti nito kwa kakaoodzutti, Wondi achune kwa ayiti o-ositsi passover mawotastihchne chu? <sup>15</sup> Kahchu wahih naghotyessi ooncha tyinta ooli chelohchi soowachisunoooh: Naghani gha iehi soowatahsun.

<sup>16</sup> Kahchu yaotatiche yitaighatestyel yuhchi chu ghatatyl nito kwa otyiyyi tah, kahchu woghiooh akooyehtii: kahchu yatagha sooghihsun passover.

<sup>17</sup> Kahchu kahkachi yuhchinooja keneti onketi matgha chu. <sup>18</sup> Ghadehtsi zahtgha kahchu eghinta, Jesus toowe ehti, Kwa hli anaghaisii, ehlaithi naghai chodeh sakaehthane chahte asooti.

<sup>19</sup> Kwa tyi atu keghaneli, toowe chu tyi ghati ehlaityekoooh, Suni la? kahchu hligi toowe ehti, Suni la?

<sup>20</sup> Kwa ateyatetla toowehchu yehti, Ehlaithi kenetye onketi matgha ihe, yaghi tila ihe setyi tsa ihkye. <sup>21</sup> Tane Chue otsidesha, takehnicatinkles akehe otye: ahwole atu oochu oontye yaghi teze tane Chue mihe atahachahi! otaihchi o-otaizilon yaghi teze ihe atu ninia tah ooli ate.

<sup>22</sup> Kahchu aghatsitsoo zahtgha, Jesus otles tyes nidiooh, kahchu merci ehti, kahchu tahke yataghiyits, kahchu yayiooh, toowehchu yehti, Nitahah, mehtah: tila sazi alonte.

<sup>23</sup> Kahchu nidiooh mehtusato, kwa kayioo merci, yayiooh: kwa aghanetye ayite otsi tughatolon.

<sup>24</sup> Ahwole toowe yehtii, Tila sa tulle alontye aduskles koonde ihe, oontlo chi otsi tyechihkliti. <sup>25</sup> Kwa hli anaghaisii, atu otaihchi wostoissi machiche chiche tu chine tsi, kwa hilon yaghi dzinee kwa kootyinuusto Nagha Tgha nataghe.

<sup>26</sup> Ehlaithi hyin eghachinooh khis Olives tsighatestyel.

<sup>27</sup> Kahchu Jesus toowe yehti, Anahtye naghai atu oochu inditaghaaisi suni ihe too hatleke: takenichatinkles akehe, Ooshalasi aspai ghaghatai haslai ite eonetye tsi natihassasi aspai. <sup>28</sup> Ahwole tsitike netai ate, naghaghatushezi Galilee tsi.

<sup>29</sup> Ahwole Peter toowe ehti, Inkai ahwole aghanetye atu keyaneli ate, hoontye koole suni intue.

<sup>30</sup> Kahchu Jesus toowe ehti, Kwa hli anesi, tidi dzinee, tidi hatleke te, atu ka onkye otyesta tyeh tihchok, tghakooh oohchit soota-ghoontyesi.

<sup>31</sup> Ahwole otaihchi otatich hloduhsi kootieh, Ahwole nakah tanesut ate ooh, atu ihlawotatehoo oohchit noodustyesi. Kwakooye otye aghatane chu ghatiuh.

<sup>32</sup> Kwa koohnaghintyatl Gethsemane woyetih: kahchu toowe yehti yaotatichne, Nea aghasushlito sakyeh. <sup>33</sup> Kahchu yehtestyatl Peter chu James chu John chu, kahchu o-ochi inditatusne, kahchu matsun tah oonkhail acha; <sup>34</sup> Kahchu toowe yehti, Setsinde o-ochi atu oochu atyetatih azetse tsi: chode ahthli naghai, kachchu ootanaui.

<sup>35</sup> Oontsutle wotaihahi otsidesha-ih, kahchu tike wozohtih nwatutooh kooyekhechi tyetaooklihasi sye makehchi nio-otsilon, ayi sakehchi ahalai yao-otsitoo. <sup>36</sup> Kahchu toowe ehti, Abba, Tyeih, atghazi ooli tahnootsut nuni; tidi mehtutsato saone naniah: hoontye ooli atu suni koosti, ahwole nuni koodinti.

<sup>37</sup> Kwa yahchidesha, nayintyi satyi, kwa toowe yehti Peter tsi, Simon sintyi la? atu ooniila ehlaithi meochanehoo? <sup>38</sup> Oonahi kahchu aghasuhli, atu otsitawohazu inkaoochatauntih. Atsinde kwa hili ootagha, ahwole khazi chintyeh.

<sup>39</sup> Kwa yitai tyesha, kahchu oghasulih, kahchu kwaka ayi zake ihe ootatich. <sup>40</sup> Kwa oondehsa tsi, yintyi satyi kahchu, (kootai ya-inkhai ihe,) kahchu atu ataoati atyekitooklihasi akehe.

<sup>41</sup> Kwa tghakooh yuhchidesha, kahchu toowe yehti, Kwa hwe satyih, kahchu niwotahah mehnatahyihi: kwakoole, meochanehoo koohnaooizut; nea, tezo Chue mataghachila taghila tsi metselineh. <sup>42</sup> Niahtyeh, yitai tawotyeli; nea, yaghi atu oochu asehti kwa hwa atih.

<sup>43</sup> Kwa kwete, kwaka ootayehchoo, yuhchidesha Judas, ehlaithi keneti onketi matgha ihe, kahchu yihstestyetlooh tane natlone simakanis pyese chu mekachatayitli chu, taneghaotatyehchi metihi tyiye ihe, adesklese chu hoola atityine ihe.

<sup>44</sup> Ooh yaghi atu oochu ayehtii yayiooihi mehyachanitsiyi, toowe ehtieh, Ootayatasihchassine wohtsiewohzyesi, ayila ayi; nintahtyeh, kahchu yitai tahtyeh tyekeh. <sup>45</sup> Itetyeh nooja ate, tsiwohzon yatsi anaatahlu, toowehchu ehti, Metihi, metihi; kwa yunchighachi.

<sup>46</sup> Kwa kiyinchut, kahchu nighadintyi. <sup>47</sup> Ooh hligi ayiti naghatehyane tapyese natyese ghayaghachut, kahchu nayatehul yakeotihchi taneghaotatyehchi metihi tyiye, kahchu yatsakhe tyeghihyitli.

<sup>48</sup> Kwa Jesus ateyatetla, toowehchu yehti, Ihla unoosi khataachila pyese intyesi yu mekachatayitli yu tala nisataghahtyelu? <sup>49</sup> Naghaikyastaichii dzinee eonetye tyetachatlhi kwa oota taneghaodintihchoo, atu chu nisatayitiih: ahwole aduskles tyiye tikewokyeli.

<sup>50</sup> Kahchu aghanetye kiyechodestyatl, kahchu taghoghadehsut.

<sup>51</sup> Kwa ehlaithi uskye yakehtehtla, atetakhatoooh chatachi takulli intyedi ati; kwa uskye-gone kiyinchut:

<sup>52</sup> Kwa kyechodyesha ayi chatachi takulli, kahchu tghihklah intyedi.

<sup>53</sup> Kwa Jesus otsighatehtyi o-ochi taneghaotatihchi metihi tyiye atindi: kwa ayiti atghe yeghati taneghaotatyehchi metihi tyiye hoolaatitine chu, adusklesne chu. <sup>54</sup> Kahchu Peter tontyetsi otsi yakehtehklalon, koole taneghaotatyehchi metihi kwa tsi: kwa yakasatah keotichne, na-itziluh khoon tsi.

<sup>55</sup> Kahchu taneghaotatihchne metihi tyiye atghe chu tsiwatillhne oohatakyet otsi ayi ihe atu oochu akiyuti Jesus kizuheli; ahwole atu oontsutli ohwiooh. <sup>56</sup> Ayi ihe natlone ketseli hakehe athlaghatati, ahwole atu hleoontye taghasoocha ootih.

<sup>57</sup> Ooh tahkine nighintyatl, kahchu atu tyeswe akiyehti, toowe ghatai ihe, <sup>58</sup> Tasitsukiih atyakehe, Chahtehaoooslyeasi tidi tyetachatlhi kwa tyiye atsila kila ihe, kahchu taiti dzinee aoocha ate achu nao-osiasi atu kila ihe. <sup>59</sup> Ahwole aghatane chu koosoochwotihhi atu hleoontye.

<sup>60</sup> Kwa o-ochi taneghaotatyehchi metihi tyiye ookaze nazut, Jesus tsi taoontya yehti toowe ehti ihe, Atu atyetunatla la? ye ihea ayi chahte anaghatya oontye? <sup>61</sup> Ahwole atu wotih, atula kehe chu atih. Kahchu o-ochi taneghaotatyehchi metihi tyiye taoontya yehti, kahchu toowe yehti, Nuni la ayi Christ, ma, Chue Moohchuoootaya?

<sup>62</sup> Kwa Jesus toowe ehti, Suni ayi: kahchu wahyesi tezo Chue satah noohchintye mehnatsutsutti, kahchu yahchityesha khoos yataihchi.

<sup>63</sup> Kahchu taneghaotatyehchi metihi tyiye tanatunne yaghinchil, kahchu toowe ehti, Ye ootaihchi a soochawochatili khasootiti aontye? <sup>64</sup> Ootahtsukiih mehe atachochihliti:

naghani ta kootahtya? Kwa aghanetye kooye hlaghatati tsazuheli gha. <sup>65</sup> Kwa tahkine tyekookeghizek, kahchu yani aghataghighat, kahchu nakiteghul, kahchu toowe kiyehiti ihe, atanataihchi woka atawonati: Kwa keotihchne nakiteghul taghila tyiyyi ihe.

<sup>66</sup> Kwa Peter yiyue nito kwa otyiyyi ti ati, yuniya ehlaiti taneghaotatyehchi metihi tyiyyi yawoai tsege: <sup>67</sup> Kwa ya-i tsi Peter naitziluh, yakaitghah, toowehchu ehti, Kahchu nuni chu mehtintyelihih Jesus Nazareth otsi tatyeyutti.

<sup>68</sup> Ahwole atu a kooti, toowe ehti ihe, Atu atawosti, kahchu atu atasuk atintya kehe. Kwa hadesha tyinta weswatih otsi; kwa tihchok tayidze otyesta.

<sup>69</sup> Kwa keotihche tsege kahchu ya-ih, kahchu toowe tyiyehti ayine ieti nehyane, Taila ehlaiti ayine tsi. <sup>70</sup> Kwa kahchu atu koo ooli ehilton. Kahchu kluhtai ayine ayite nazati, toowehchu ghati Peter, Nuni nooklya ehlaiti aghatane tsi, ayi ihe Galilaeen nali, kahchu kooh nakasse atih.

<sup>71</sup> Ahwole ketselihooh wotyihhi zon ohtye ootatyehch, toowe akehe, Atu atesti tai teze mamawotahtyehchi.

<sup>72</sup> Kwa onkye tihchok tayidze otyesta. Kwa Peter kyechehteti yaghi sa Jesus ayehtiii, Atu ka ootihoo tihchok tayidze onkye tghakooh oochit sootahoontyezi. Kwa hlilon ayiti indi ootinta, nachaihchahli.

## 15

### *Tghachyestla keneti hlahcheti matgha.*

<sup>1</sup> Kwa kwete hatlindo aoclia taneghaotatyehchi metihi tyiyyino aglianctye ehlakehe tsiwohzon tsiwowatilh hoolya atitine chu adeskilesne chu hlito aonetyo gha tsiwoghatsihi ihe ayi chu, kwa Jesus tahkiyagheskluli, kahchu achukdehtyi, kwa kikalmihtyj, Pilate.

<sup>2</sup> Kahchu Pilato taootya yehti, Nunila o-ochi koometihhi tyiyyi nalila Jewne gha? Kahchu ateyatetla toowohcliu yehti, Kooh tintya oontye.

<sup>3</sup> Kahchu taneghaotatyehchi metihi tyiyyine chahte akiyehti ooU nation ihe: ahwole atulakehe atyeta-i. <sup>4</sup> Kwa Pilate kahchu taootya yehti, toowe ehctie, Atu lakehe atyetanatla la? nea taitya ooli ihe chahte anaghahti.

<sup>5</sup> Ahwole Jesus zon atu la kehe aye ih kwaka; kwa Pilate kawoolih,

<sup>6</sup> Ooh ayi kwelachayihhi ehlaiti yezookeh ninkho kvyecheytesne, ooli assine nioonunisit assine. <sup>7</sup> Ayiti hligi aliih Barabbas ooyeih, ihkahtah chaghcsklu ayi yekatchihhi kwa akiyila indiootaunne, kootoo tane zehai ihe indiootatunne ayiti. <sup>8</sup> Kwa natlone ohtye oghatyesta tyi yatsi nioghanunisit kooh hakiyulihhi gha kooli zon hakooyilai ihe.

<sup>9</sup> Ahwole Pilate ateyatetla, toowc ehti ihe, Kooh kootahti la naghachitulisitisi Jewne o-ochi koometihhi tyiyyi? <sup>10</sup> Atawahtihhi ihe taneghaotatyehchi metihi tyiyyine yatagliintsutti ihe mihe incho-otsa-i. <sup>11</sup> Ahwole taneghaotatyehchi metihi tyiyyine kichinagbayyh tanene, otaihahi koochitootsittih Barabbas.

<sup>12</sup> Kooh kahehu Pilate ateyatetla toowehchu yehti, Takootahtya oslihasi kooh yachi o-ochi koometihhi tyiyyi Jewnu woyi?

<sup>13</sup> Kahchu toowe hakehe oghatesta, Klaniaitih ninihtyeh.

<sup>14</sup> Kahchu Pilate toowe ehti, Ye tahtye ketselihooh atyuntye? Kahchu ootailichi o-ochi oghatesta, Klaniaitih ninihtyeh.

<sup>15</sup> Kwa Pilate tane gha kasootati chatupisha gha, yakahninooh Barabbas assi, kahchu Jesus taghinchut, yakhataghitoo, klaniai nichuhtyelu,

<sup>16</sup> Kwa simakanisne otsighateliyyi tsiwatyehli kwa, Praetorium wotsatiti; kwa tyechi kiyehiti ihlakehe atge simakanisne. <sup>17</sup> Kwa natunne taghaghintyi aghapai tatulli ihe, kahchu kiyesklu o-ochi metihi tyiyyi chahte hoos chok chine ihe, kwa ita tsi gha ghiooh, <sup>18</sup> Kahchu tyi yila ooghatthoon toowe, Yea mehsuchanetyi, o-ochi kookaonazut Jewne. <sup>19</sup> Kahchu nakidehul yetsi chokhaiye chok ihe, kahchu kikighizek, kwa yatsitaghatsunne ootooghanehzi yatsi nachusghataklilh <sup>20</sup> Kahchu kiyachatyetl atge tatulli nighadinchus, kwa yanatunne taghinyetl, kahchu ghooghatehtyi klaniai tih.

<sup>21</sup> Kwa kitahnaghutsut ehlaiti Simon Cyrenian ali, ayi kwo noojai, tane natihti otsi Jiadesha, kootgha Alexander chu Rufus chu tahchiyatilyu klaniai. <sup>22</sup> Kwa nakiyintyi Golgotha tsi, ayi tsati, Atsitsunne ooli te. <sup>23</sup> Kwa kiyayiooh tyewootoo chiche chok tu mathuchunihklito myrrh: ahwole atu niyadihooh. <sup>24</sup> Kwa klaniai nakiyinti tsi yanatunne ataghahaistla kikaootehunni ihe, ye anetye teze nitoolola.

<sup>25</sup> Kahchu oolith tghakooh mehoachanehoo awatazoo dzinee ooli klaniadi nakiyinti tsi. <sup>26</sup> Kwa achatyesklesi ayiti otsi chahteacheite takehnichanikuchih ookeh. O-OCHI KOO METIHI TYIYYI JEWNE.

<sup>27</sup> Kahchu onkyetine chu klaniadi nighanihtye unoosine; ehlaiti noohtechintye, ooh hligi chu oosklaghazihitye. <sup>28</sup> Achudesklessi tyiyyi tikenikiyih, kooh woti, Kahcliu metseline

kah kachanehtyeh. <sup>29</sup> Ooh ayine kweghatilhne ayiti oontlochi kiye sootatyihch, tagli-atsi ghaghado, toowehchu ghati ihe, Gha, nuni chahta wonatla tyctachatlihi kwa tyiyi, kahchu aonatlata taiti dzinee. <sup>30</sup> Aghatinta, kahchu yulichinootinta klauiai tsi. <sup>31</sup> Aghatane chu o-ochi taneghaotatyech metihi tyiyine ontlonchi akiyehti ihe toowe hlaghatati ihe adesklesne chu, Nayaghehta achune chu; atai koochati atu aghatatah. <sup>32</sup> Oonka Christ o-ochi koometihi tyiyi Israel kwa hoote klaniai tsi noodoojai, wowoti khai kahchu a kootahti. Oo ayi yakah klaniadi yakah atii yataUhlon.

<sup>33</sup> Kwa inchitakoooh klodesha sa kehchi ehalai koonaoozutooh, hatleke aochaii tike okehe kwa hHlon kalaketi klodesha sa kehchi ehaiai. <sup>34</sup> Kwa kalaketye sa kehchi ahalai klodesha, Jesus otyesta takaseneodi, toowe ehti ihe, Eloi, eloi, lama sabachthani? ayi tsati ihe Saghintai, Saghintai, yehoo gha sechanila aootyee.

<sup>35</sup> Ooh tahkine ieti nehyane, ooghatitsuk tsi, toowe ghati, Nea, Ehas kawotih.

<sup>36</sup> Kahchu ehlaiti outsidehta, kahchu tsifo yeatatih atihh tayatohman sootakan chiche tu ihe, kahchu nayiooh klokhayetgha, kahchu yayiooh tuwoto gha, toowe ehti ihe, Atu kinditaghaha; oonka oohwoti Elias nayaghintyi kha.

<sup>37</sup> Kahchu Jesus otyesta ohtye ati, kahchu matsinde kwa yecheli.

<sup>38</sup> Kwa ayi hlichatinkatii tyetachatlihi kwa otyiyi intyizon tghahkyehchi wotype cheghinchil yataihchi ctis yiyue otsi. <sup>39</sup> Kwa kootoo ayi simakanis metihi, ooghade nazutih. wa-i kooakehe otyesta, kahchu yatsinde yechelihooh, toowe ehti, tyewotye tune teze Nagha Tgha Chue ghilelon.

<sup>40</sup> Ayiti oohwiliiii tsegene ehu tontyctsi otsi ookhaghanehtgha: atai chu iiti atihh Mary Magdalene, Mary chu ma James ooiata etanoohlihi kahchu Jose, Salome chu; <sup>41</sup> (Aghatane chu, Galilee atichi, kikehtyehshai, kahchu ooli kooyaalih ine;) achune chu natlone tsegoo yuhchi kooyehkyatehch ine Jerusalem tsi.

<sup>42</sup> Kahkachi aoocha tsi, ayi ihe intyizon dzmee tsi watsehlu ayi dzinee Manejitti dzinee tsi ooh, <sup>43</sup> Joseph Arimathaea otsi tazezhu, tsatincha tsiwatilh, atune chu ootakah ali Nagha Tgha nataghe, yuhchidesha, kahchu tadzye natsutih seoo Pilate kahkwiya, kahchu Jesus zi ootakyet. <sup>44</sup> Kwa Pilate khawooli kwa tehtsalo ate: kwa simakanis metihi tyechi yehti, tauontya yehti tontyeto ghaite chu tehtsutiih. <sup>45</sup> Kwaatawatih tsi simakanis metihi yatati, tazi ghiooh Joseph. <sup>46</sup> Kwa ataghoola tsatache oochu takulle, kahchliu nooyaghintyi, kaliclum ayi tsatache ii ihe yehtoonhehtii, kahchu niyanihtyi natine kwa oota tsyekas tayaghintyi, kahchu tsye otsiyehail toosklahchi natine kwa. <sup>47</sup> Kwa Mary Magdalene kahchu Mary Jose ma oohwa-ih nichanihtyinti.

## 16

### *Tghachyestla keneti edzetaiti matgha.*

<sup>1</sup> Kwa Menejitti Dzinee kawohtzut tsi, Mary Magdalene, kahchu Mary Jose ma kahchu Salome, ataghaghila yu natunetgha tsehklutti, kwa yuhchighatatyel ate yu ihe kiyuhklukoooh. <sup>2</sup> Kwri o-ochi hatse hatlindo ooli hatse dzinee, kooohnioonizuiooh natine kwa otsighatetyetl sa niya tsi. <sup>3</sup> Kwa toowe hlaghatati, Mea tsye yughaii aootyee natine kwa tustla otsi?

<sup>4</sup> Kwa koo ookahanehtghachi, oogha-ih tsye achuhchi nichunihaalo: o-ochi ghinchai ihe. <sup>5</sup> Kwa kwegliaghintyetlooh native kwa oota, kiya-ih ehlaiti uskye noohtichintye chisinchi sata, tsata natyeseooh makestue takulooh: kwa oonighanintyetl.

<sup>6</sup> Kwa toowe yehti, Atu oonighatye: Minkhanatgha Jesus Nazareth otsi tatyetzutti, klaniai nichanihtyiii: tsitike ghinta-ih; atu chode ali; nea nighamhtyintiii. <sup>7</sup> Ahwole ootahtab, yaotatichne tatahtih Peter chu naghaghadesha Galilee tsi: ayiti wahiissi, naghatatyakehe.

<sup>8</sup> Kwa kwete kooohatasyetl, kahelm natine kwa otsi tsmestyetl; yaghatilonlon ihe kahchu khaoghali ihe: kahchu atuline atula kehe akiyeliti; oonighanintyetlon ihe.

<sup>9</sup> Kootoo Jesus niyayii kwete hatse dzine tsiwatselhu, hatse yuhniya Mary Magdalene, ayi taiuchi atsmde metselihi yazi otsi hayateha-ii. <sup>10</sup> Kwa yatatilon ayine yehkyatehchiine, tsukye atu yaghita zahtgha kahchu ghutsakoooh <sup>11</sup> Ooh ahatane, ooghatitsuk tsi ghata, kahchu ya-ilon atu a kooghati.

<sup>12</sup> Ayi keh yuhniya achu akelie ouketye agha tane Ihe, ghataihlu zahtgha, achu tike tsi otsighataihlu. <sup>13</sup> Kwa kitati achune: kahchu ama kiyehiti ayine.

<sup>14</sup> Atyechi yuhniya keneti ehlaite matgha aline ghiskye eghehta ootype, kwa yachiotatyech majih oontooei kha kahchu yadzeye natsutti kha atu a kiyuti ihe ayi yakehtghaii tsitike neta.

<sup>15</sup> Kwa toowe yehti, Otsitahtyeh tike okehe matatahti obicn oociiu anetye tane. <sup>16</sup> Ayi a kootyehi kahchu tumakechaghinkliti nachawohtyezi; ahwole yaghi atu a kootyehi cliahta chuleesi. <sup>17</sup> Kahchu tidi yachanahai yakeh ootoohsitassi ayine a kootine; Sindizi ihe kehchi

ghakitoolelassi atsinde metselihi; oogliatootyehchassi atsoodi koondi ihe; <sup>18</sup> Nootuze nighatoohtyelassi; oolita tughato ate chu azetse ahi, atu kootoohtihassi; kikatootiassi yatitihne, kwa oochu nakiyaooliteissi.

<sup>19</sup> Kwa Naghaghatai sakyedesutooh, yatai otsi nichatihtyi, kahchu sata-ih Nagha Tgha noohtichintye. <sup>20</sup> Ahwole achughatestyetl, tike okehe tane chiwoghatihi ihe, Naghaghatai kahkeoghatihchoo, kahchu sa natsut oola kaootsooli chu intghaninkhi. Amen.